

全上古三代秦漢三國六朝文

全梁文卷四十八

烏程嚴可均校輯

王志

志字次道琅邪臨沂人齊司空僧虔子尚宋孝武女安固公主入齊封臨汝侯領右衛將軍梁臺建遷散騎常侍及受禪歷中書令金紫光祿大夫卒謚曰安

答釋法雲書難范縝神滅論

辱告伏覽勅荅臣下神滅論旨高義博照若發蒙弟子夙奉釋教練服舊聞有自來矣非惟雷同遠大贊激天旨而已且垂荅二解厭伏心靈藻燭聞見更不知何以闡揚玄猷光影聖述且得罔象不溺於真內外無紛如之滯寔懷嘉林猥惠來示佩眷惟深王志和南

宏明集十

王揖

捐梁書志弟仕齊入梁歷黃門侍郎太中大夫出為東陽太守

作捐有集五卷

答釋法雲書難范縝神滅論

辱告惠示敕荅臣下審神滅論夫昊蒼玄默本絕言議性與天道固亦難聞而愛育之仁依方感動開誘之教沿革降設矜局蛙於井谷哀危螻於寸陰思發神衷言微理鏡引據前經文約旨遠凝神杳翳一理能貫墳典紛綸一言以蔽顯列聖之潛旨決終古之潛惑存滅由斯而曉孝敬同茲而降信足以警誠重昏儀範百代所謂聖慕揚揚嘉言孔章者也弟子既慙辨理彌惜知音遂得預聞道訓頒觀妙藻式抒下陳永佩聖則弟子王揖和南

宏明集十

王泰

泰字仲通小字炬志長兄慈之子仕齊為祕書郎車騎主簿入

梁累遷至吏部尚書除左驍騎將軍卒諡夷子

荅釋法雲書難范縝神滅論

一日曲蒙謙私預聞范中書有神形偕滅之論斯人逕誕不近人情直以下才未能折五鹿之角耳辱告垂示聖旨徵引孝道發揚冥致謹當尋誦永祛蒙惑弟子王泰頓首和南宏明集十

王緝

緝志子天監初建安王偉板爲功曹

荅釋法雲書難范縝神滅論

惠示敕荅臣下審神滅論竊以神一冥默歷聖未傳宣尼猶稱不言莊生空構其語求之方策歎昧交深謬覲今論天思淵發妙旨凝深至理既弘孝機兼極信足超超萬古照燭來今弟子生屬昌辰預觀聖藻既冰渙於懷抱信曉惑於隨便凡厥靈知孰不鑽仰矧伊蒙蔽激抃寔深王緝和南宏明集十

王珍國

珍國字德重沛國相人齊初起家冠軍行參軍累遷監朔將軍  
入梁封潁陽縣侯改宜陽終丹陽尹卒諡曰威

答釋法雲書難范縝神滅論

辱告伏見敕荅臣下神滅論神之不滅經典明文卽心語事皎然  
在理論有神滅實所駭歎天照淵凝妙旨周博折彼異端引茲敦  
範信可以朗悟冥塗棟梁千載矣伏覽權戴竊深罔極比故詣展  
遲獲容伸王珍國呈

宏明  
集十

王陳

陳字思晦琅邪臨沂人齊太尉儉子尚淮南長公主歷祕書丞  
驃騎從事中郎入梁爲侍中尚書左僕射卒諡曰靖有集二十  
一卷

答釋法雲書難范縝神滅論

枉告并奉覽敕荅臣下審神滅論聖旨玄照啟寤羣蒙義顯幽微

理宣寂昧夫經述故身之義繫敘游魂之談愚淺所辨詳已爲非  
滅況復睿思弘遠盡理窮微引文證典渙然冰釋肉眼之人虔恭  
迴向惑累之眾悛改浮心發明既往訓導將來伏奉淵教欣蹈罔  
已王陳和南宏明集十

王彬 王緘

彬緘里系皆未詳天監初彬爲吳興太守見何遜傳尋與緘俱爲侍

中

荅釋法雲書難范鎮神滅論

辱告伏見敕旨荅臣下審神滅論聖思淵凝天理孤絕辯三世則  
釋義明舉二事則孝道暢塞鑽鑿之路杜異路之口足使魔堞永  
淪正峯長峻弟子伏膺至道預奉天則喜躍之心寧復恆準王彬  
緘頓首和南宏明集十

嚴植之

植之字孝源建平秭歸人仕齊歷王國侍郎右常侍遷員外郎散騎常侍康樂侯相入梁爲後軍騎兵參軍五經博士遷中撫軍參軍兼博士有凶禮儀注四百七十九卷錄四十五卷

荅釋法雲書難范縝神滅論

辱告伏見敕旨荅臣下審神滅論夫形分涉羣或微隱難悟況識理精密豈庸見能曉所以斷常交驚一異競奔若中道居懷則欲流可反二邊滯意彼岸長乖神滅之論斯障寶重仰賴聖王棟梁至教明詔爰發朗若披雲非直冥符訓典俯弘孝義蓋妙達生源幽窮行本使執禮之性踐霜露而彌篤研神之識仰禪悅而增心皆當習忍慧途翻流惑海弟子早標素心未知津濟伏讀懽欣充遍身識猥惠存勗荷眷惟渥嚴植之呈

宋明集十

賀瑒

瑒字德璉會稽山陰人宋太學博士道期從孫齊初爲國子生

舉明經除揚州祭酒兼國子助教歷奉朝請大學博士太常丞  
去職天監初復為太常丞掌賓禮尋兼五經博士拜步兵校尉  
有禮記新義疏二十卷賓禮儀注九卷本傳作一百四十五卷五經異同  
評一卷

郊宮議

周禮王旅上帝張瓊案以瓊為牀於幄中不聞郊所置宮宇也通

四十二齊永明元年  
外庠博士賀瑒議

郊壇瓦屋議

周禮王旅上帝張瓊案設皇邸國有故而祭亦曰旅瓊案以瓊為

牀於幄中不聞郊所置宮宇南齊書禮志上建武二  
年太學博士賀瑒議

宮人始入應奏樂議

按禮賓入而懸興示易以敬也和易以敬宮人皆然謂不應有異

愚以宮人始入便應奏樂通典一百四十七梁天  
監中掌賓禮賀瑒議



上宮元會奏大壯武舞大觀文舞議

按禮記云太子爲樂也以賞諸侯之有功其治人勞者舞行綴遠其治人逸者舞行綴短觀其舞知其德以此而求諸侯舞時王之樂可知也況皇儲養德春官式瞻攸屬謂宜備二舞以宣文武之德焉

通典一百四十七天監中

答釋法雲書難范縝神滅論

辱告垂示敕荅臣下審神滅論鑽仰反復誦味循環故知妙蘊機初事隔凡識神凝繫表義絕庸情皇上敷覽通幽性與天道所以機見英遠獨悟超深述三聖以導未曉標二事以洗偏惑故係孝之旨愈明因果之宗彌暢岷山粹典卽此重彰洙水清教於茲再明譬諸日月無得踰焉弟子雖冥頑多蔽謬奉格言研求妙趣猶知蹈舞法師宣揚至道允闡大猷猥惠未及益增銘荷弟子賀瑒

呈

宏明集十

賀瑛

瑛字國寶，瑒弟之子。普通中，刺史臨川王辟爲祭酒從事史，補國侍郎，兼太學博士，遷中衛參軍，尚書通事舍人，通直正員郎，征西鄱陽王中錄事，進尚書左丞，歷員外散騎常侍，御史中丞，免，復爲尚書左丞，遷給事黃門侍郎，散騎常侍，太府卿，太清中，爲雲騎將軍，中軍宣城王長史，東府城陷，爲侯景所獲，臺城陷，逃歸會稽，復執送景，以爲金紫光祿大夫，遇疾卒。

奏二郊及藉田宜御輦

今南北二郊及藉田往還，並宜御輦，不復乘輅。二郊請用素輦，藉

田往還乘常輦，皆以侍中陪乘，停大將軍及太僕。

梁書武帝紀下  
大同五年御史

中丞參禮儀  
事賀瑛奏

條奏時務封事

臣荷拔擢之恩，曾不能效一職，居獻納之任，又不能薦一言，竊聞

慈父不愛無益之子。明君不畜無益之臣。臣所以當食廢飧。中宵而歎息也。輒言時事列之於後。非謂謀猷。蓋云啟沃。獨絨曾臆。不語妻子。辭無粉飾。削藁則焚。脫得聽覽。試加省鑒。如不允合。亮其慙愚。

其一事曰。今北邊稽服。戈甲解息。政是生聚教訓之時。而天下戶口減落。誠當今之急務。雖是處彫流。而關外彌甚。郡不堪州之控。總縣不堪郡之哀削。更相呼擾。莫得治其政術。惟以應赴徵斂爲事。百姓不能堪命。各事流移。或依於大姓。或聚於屯封。蓋不獲已而竄亡。非樂之也。國家於關外賦稅蓋微。乃至年常租課。動致逋積。而民失安居。寧非牧守之過。東境戶口空虛。皆由使命繁數。夫犬不夜吠。故民得安居。今大邦大縣。舟舸銜命者。非惟十數。復窮幽之鄉。極遠之邑。亦皆必至。每有一使。屬所搔擾。況復煩擾。精理深爲民害。驚困邑宰。則拱手聽其漁獵。桀黠長吏。又因之而爲貪。

幾縱有廉平郡猶掣肘故邑宰懷印類無考績細民棄業流冗者多雖年降復業之詔屢下蠲賦之恩而終不得反其居也

其二事曰聖主恤隱之心納隍之念問之遐邇至於剽飛蠕動猶且度脫況在兆庶而州郡無恤民之志故天下顛顛惟注仰於一人誠所謂愛之如父母仰之如日月敬之如鬼神畏之如雷霆苟須應痛逗藥豈可不治之哉今天下宰守所以皆尙貪殘罕有廉白者良由風俗侈靡使之然也淫奢之弊其事多端粗舉二條言其尤者夫食方丈於前所甘一味今之燕喜相競誇豪積果如山岳列肴同綺繡露臺之產不周一燕之資而賓主之間裁取滿腹未及下堂已同臭腐又歌姬儷女本有品制二八之錫良待和戎今言妓之夫無有等秩雖復庶賤微人皆盛姬姜務在貪污爭飾羅綺故爲吏牧民者競爲剝削雖致貲巨億罷歸之日不支數年便已消散蓋由宴醕所費既破數家之產歌謠之具必俟千金之

資所費事等丘山爲歡止在俄頃乃更追恨向所取之少今所費之多如復傅翼增其搏噬一何悖哉其餘淫侈著之凡百習以成俗日見滋甚欲使人守廉隅吏尙清白安可得邪今誠宜嚴爲禁制道之以節儉貶黜雕飾糾奏浮華使眾皆知變其耳目改其好惡夫失節之嗟亦民所自患正恥不及羣故勉彊而爲之苟力所不至還受其弊矣今若釐其風而正其失易於反掌夫論至治者必以清素爲先正彫流之弊莫有過儉樸者也

其三事曰聖躬荷負蒼生以爲任弘濟四海以爲心不憚胼胝之勞不辭癯瘦之苦豈止日仄忘飢夜分廢寢至於百司莫不奏事上息奏下之嫌下無逼上之咎斯實道邁百王事超千載但斗筭之人藻稅之子既得伏奏帷扈便欲詭競求進不說國之大體不知當一官處一職貴使理其紊亂匡其不及心在明恕事乃平章但務吹毛求疵璧肌分理運挈餅之智微分外之求以深刻爲能

以繩逐爲務迹雖似於奉公事更成其威福犯罪者多巧避滋甚曠官廢職長獎增姦實由於此今誠願責其公平之效黜其譏愚之心則下安上謐無徼倖之患矣

四事曰自征伐北境帑藏空虛今天下無事而猶日不暇給者良有以也夫國敝則省其事而息其費事省則養民費息則財聚止五年之中尙於無事必能使國豐民阜若積以歲月斯乃范蠡滅吳之術管仲霸齊之由今應內省職掌各檢其所部凡京師治署邸肆應所爲或十條宜省其五或三條宜除其一及國容戎備在昔應多在今宜少雖於後應多卽事未須皆悉減省應四方屯傳邸治或舊有或無益或妨民有所宜除除之有所宜減減之凡厥興造凡厥費財有非急者有役民者又凡厥討召凡厥徵求雖關國計權其事宜皆須息費休民不息費則無以聚財不休民則無以聚力故蓄其財者所以大用之也息其民者所以大役之也若

言小費不足害財則終年不息矣以小役不足妨民則終年不止矣擾其民而欲求生聚殷阜不可得矣耗其財而務賦歛繁興則下姦詐盜竊彌生是弊不息而其民不可使也則難可以語富彊而圖遠大矣自普通以來二十餘年刑役荐起民力彫流今魏氏和親疆場無警若不及於此時大息四民使之生聚減省國費令府庫蓄積一旦異境有虞關河可掬則國弊民疲安能振其遠略事至方圖知不及矣

梁書賀瑛傳

駁皇太子大功之末可以冠子嫁女議

令旨以大功之末可得冠子嫁女不得自冠自嫁推以記文竊猶致惑案嫁冠之禮本是父之所成無父之人乃可自冠故稱大功小功竝以冠于嫁子爲文非關惟得爲子己身不得也小功之末既得自嫁娶而亦云冠子娶婦其義益明故先列二服每明冠子嫁子結於後句方顯自娶之義既明小功自娶卽知大功自冠矣

蓋是約言而見旨。若謂緣父服大功。子服小功。小功服輕。故得爲子冠嫁。大功服重。故不得自嫁。自冠者。則小功之末。非明父子服殊。不應復云冠子嫁子也。若謂小功之文。言已可娶。大功之文。不言已冠。故知身有大功。不得自行嘉禮。但得爲子冠嫁。竊謂有服不行嘉禮。本爲吉凶不可相干。子雖小功之末。可得行冠嫁。猶應須父得爲其嫁冠。若父於大功之末。可以冠子嫁子。是於吉凶禮無礙。吉凶禮無礙。豈不得自冠自嫁。若自冠自嫁。於事有礙。則冠子嫁子。豈獨可通。今許其冠子。而塞其自冠。是琛之所惑也。又令旨推下殤小功。不可娶婦。則降服大功。亦不得爲子冠嫁。伏尋此旨。若謂降服大功。不可冠子嫁子。則降服小功。亦不可自冠自娶。是爲凡厥降服。大功小功。皆不得冠娶矣。記文應云。降服則不可。豈得惟稱下殤。今不言降服。的舉下殤。實有其義。夫出嫁出後。或有再降。出後之身。於本姊妹。降爲大功。若是大夫服土。又以尊降。



南史雖  
有從字

則成小功其於冠嫁義無以異所以然者出嫁則有受我出後則有傳重竝欲薄於此而厚於彼此服雖降彼服則隆昔實基親雖再降猶依小功之禮可冠可嫁若夫基降大功大功降爲小功止是一等降殺有倫服未嫁冠故無有異惟下殤之服特明不娶之義者蓋緣以幼稚之故天喪情深旣無受厚他姓又異傳重彼宗嫌其年稚服輕頓成殺略故特明不娶以示本重之恩是以凡厥降服冠嫁不殊惟在下殤乃明不娶其義若此則不得言大功之降服皆不可冠嫁也且記云下殤小功言下殤則不得通於中上語小功則不得兼於大功若實大小功降服皆不冠嫁上中二殤亦不嫁冠者記不得直云下殤小功則不可恐非文意此又琛之所疑也

梁書賀琛傳又南史六十二

阮研

研爲交州刺史

書

道增至得書深慰已熱卿何如吾甚勿勿始過嶠今便下水未因見卿爲歎善自愛異日當至上京有因道增行所具少字不具阮研頓首

泣化閣  
帖四

哀昂

昂字千里陳郡陽夏人宋雍州刺史顗子齊初爲冠軍安成王行參軍遷征虜主簿太子舍人鎮軍王儉功曹史進祕書丞黃門侍郎出爲安南鄱陽王長史尋陽公相還爲太孫中庶子衛軍武陵王長史右軍邵陵王長史遷御史中丞出爲豫章內史歷建武將軍吳興太守入梁爲後軍臨川王參軍除給事黃門郎遷侍中出爲尋陽太守行江州事徵爲左民尚書兼右僕射除國子祭酒領豫州大中正復爲仁威將軍吳郡太守進五兵尚書領起部尚書加侍中進尚書令宣惠將軍普通中爲中書

監丹陽尹進號中衛將軍復爲尚書令領國子祭酒大通初進  
號中撫軍大將軍遷司空加特進左光祿大夫大同六年卒年  
八十諡曰穆正公

謝後軍臨川王參軍事啟

恩降絕望之辰慶集冥心之日焰灰非喻萑苻未擬握衣聚足顛  
狼不勝臣遍歷三墳備詳六典巡校賞罰之科洞檢生死之律莫  
不嚴五辟於明君之朝峻三章於聖人之世是以塗山始會致防  
風之誅鄧邑方構有崇侯之伐未有緩憲於斯戮之人賒刑於耐  
罪之族出萬死入一生如臣者也推恩及罪在臣實天披心瀝血  
敢乞言之臣東國賤人學行何取旣殊鳴鴈直木故無結綬彈冠  
徒藉羽儀易農就仕往年濫職守秩東隅仰屬龔行風驅電掩當  
其時也負鼎圖者日至執玉帛者相望獨在愚臣頓昏大義殉鴻  
毛之輕忘同德之重但三吳險薄五湖交通屢起田儼之變每懼

殷通之禍空慕君魚保境遂失師捐抱器後至者斬臣甘斯戮明  
刑殉眾誰曰不然幸約法之弘承解網之宥猶當降等薪繁遂乃  
顛釋鉗赭斂骨吹魂還編黔庶濯疵蕩穢入楚遊陳天波既洗雲  
油遽沐古人有言非死之難處死之難臣之所荷曠古不書臣之  
死所未知何地

梁書袁昂傳天監二年以爲後  
軍臨川王參軍事昂奉啟謝

### 荅武帝書

都史至辱誨承藉以眾論謂僕有勤王之舉兼蒙誚責獨無送款  
循復嚴旨若臨萬仞三吳內地非用兵之所況以偏隅一郡何能  
爲役近奉敕以此境多虞見使安慰自承麾旃屈止莫不膝袒軍  
門惟僕一人敢後至者政以內揆庸素文武無施直是陳國賤男  
子耳雖欲獻心不增大師之勇置其愚默竄沮眾軍之威幸藉將  
軍含弘之大可得從容以禮竊以一食微施尙復投殞況食人之  
祿而頓忘一旦非唯物議不可亦恐明公鄙之所以躊躇未遑薦

壁遂以輕微爰降重命震灼於心忘其所厝誠推理鑒猶懼威臨  
梁書袁昂傳昂爲吳興太守永元末義師至京師州牧郡守皆望  
風降款昂獨拒境不受命高祖手書喻云云昂答又見南史二十  
六

答服問書

竊聞禮由恩斷服以情申故小功他邦加制一等同爨有總明之  
典籍孤子夙以不夭幼傾乾廕資敬未奉過庭莫承藐藐冲年未  
達朱紫從兄提養訓教示以義方每假其談價虛其聲譽得及人  
次實亦有由兼開拓房宇處以華曠同財共有恣其取足爾來三  
十餘年憐愛之至無異於己南史作憐愛之至言無異色姊妹孤姪成就一時  
篤念之深在終彌固此恩此愛畢壞不追既情苦同生而服爲諸  
從言心卽事實未忍安昔馬稜與弟毅同居毅亡稜爲心服三年  
由也之不除喪亦緣情而致制雖識不及古誠懷感慕常願千秋  
之後從服葢齊不圖門衰禍集一旦草土殘息復罹今酷尋惟慟

抱彌劇彌深。今以餘喘欲遂素志。庶寄其罔慕之痛。少申無已之情。雖禮無明據。乃事有先例。率迷而至。必欲行之。君問理所歸。謹以諮白。臨紙號哽。言不識次。梁書袁昂傳昂從兄象卒昂幼孤爲家所養乃制基服人有怪而問之者昂致書以喻之

答釋法雲書難范縝神滅論

辱告并伏見敕。甚臣下審神滅論。奉讀循環。頓醒昏憒。夫識神冥漠。其理難窮。粵在庸愚。豈能探索。近取諸骸內。尚日用不知。況乎幽昧。理歸惑解。仰尋聖典。既顯言不無。但應宗教。歸依其有。就有談有。猶未能盡性。遂於不無論無。斯可遠矣。自非神解獨脫。機鑿絕倫。何能妙測不斷之言。深悟相續之旨。兼引喻二證。方見神在。瞭然求之三世。不滅之理。彌著。可謂鑽之彌堅。仰之彌高者也。方使眾惑塵開。羣迷反路。伏誦無數。舞蹈不勝。弟子袁昂和南。宏明集十

臨終敕諸子

不得言上行狀及立誌銘凡有所須悉皆停省

吾釋褐從仕不期富貴但官序不失等倫衣食粗知榮辱以此闔  
棺無慙鄉里往忝吳興屬在昏明之際既開於前覺無識於聖朝  
不知天命甘貽顯戮幸遇殊恩遂得全門戶自念負罪私門階榮  
望絕保存性命以爲幸甚不謂叨竊寵靈一至於此常欲竭誠酬  
報申吾乃心所以朝廷每興師北伐吾輒啟求行誓之丹款實非  
矯言既庸懦無施皆不蒙許雖欲罄命其議莫從今日瞑目畢恨  
泉壤若魂而有知方期結草聖朝遵古知吾名品或有追遠之恩  
雖是經國恆典在吾無應致此脫有賄官慎勿祇奉

梁書袁昂傳  
南史二十六

古今書評

王右軍書如謝家子弟縱復不端正者爽爽有一種風氣王子敬  
書如河洛間少年雖皆荒悅而舉體蹉跎殊不可耐羊欣書如大  
家婢爲夫人雖處其位而舉止羞澀終不似眞徐淮南書如南江

士大夫徒好尙風軌終不免寒氣阮研書如貴胃失品次不能復  
排突英賢王儀同書如晉安帝非不處尊位而都無神思吳興書  
如新亭唱父一往見揚州人共語音態便出陶隱居書如吳興少  
兒形雖未成長而骨體甚駿快殷鈞書如高麗使人抗浪甚有意  
氣滋韻終不精味袁山松樹書如深山道士見人便欲退縮蕭子  
雲書如春初望山林花帶處不發如經論道人無絕不言崔子玉  
書如危峯阻日孤松一被有絕望之意師宜官書如鷗羽未息關  
自逝韋誕書如虎威彪振劍拔弩張蔡邕書骨氣風遠爽爽爲神  
鍾司徒書字十二種意外殊妙少實多奇邯鄲滄書應規人矩方  
圓乃成張伯英書如漢武帝愛道憑虛欲仙索靖書如飄風忽舉  
驚鳥不飛皇象書如歌聲繞梁琴人捨揮衛常書如插花美人舞  
笑鏡臺孟光錄書如崩山絕崖人見可畏張芝驚奇鍾繇特絕逸  
少鼎能獻之冠世四英其類洪芳不滅羊真孫草蕭行范篆各一



時妙絕鍾繇書若飛鴻戲海舞鶴遊天行間希密實亦難過蕭思話書走墨連字勢屈強若龍跳淵門虎卧鳳闕薄紹之書字勢蹉跎如舞妓低腰仙人嘯樹御覽七百四十八

評書

從漢末至梁有廿四人王僧虔書猶如揚州王謝家子弟縱復不端正奕奕皆有一種風氣王子敬書如河朔少年皆充悅舉體杳拖而不可耐羊欣書似婢作夫人不堪位置而舉止羞澀終不似真阮研書如貴胄失品次不復排突英賢王羲同書如晉安帝非不處尊位而都無神明殷均書如高麗人抗浪乃不有意氣而姿顏自足精味徐淮南書如南岡士大夫徒尙風軌然不口寒乞陶隱居書如吳興小兒形狀未成長而骨體甚峭快吳拖書如新亭僧父一往似楊州人其語語便態山柳產書如深山道士見人便欲退縮曹喜書如經綸道士言不可強王右軍書字勢雄強如龍

跳天門虎臥鳳閣故歷代寶之永以爲訓蔡邕書骨氣洞達爽爽  
如有神力程曠平書如鴻鵠弄翅頡頏布置初雲之見白日蕭思  
話書如舞女低腰仙人嘯樹李嶺東書如芙蓉之出水文彩如鏤  
金桓玄書如快馬入陣隨人屈曲豈須文譜范懷均慶曆草作約眞書  
有分草書無功故知簡牘非易皇象書如韻音繞梁孤飛獨舞孔  
琳之書如散花空中流微自得李巖一作巖之書如鏤金素月屈玉  
自照薄紹之書如龍游在霄繾綣可愛秦獄吏程邈善大篆得罪  
始皇雲陽獄增減篆體志其名名其書自大觀帖作目隸也扶風曹喜  
後漢人不知其官善篆及隸篆等少異李斯見重一時耶鍾司徒  
書字有十二種意外巧妙絕倫多奇崔子玉書如危峰阻日孤松  
單枝邯鄲滄書應規入矩方圓乃成師宜官書如鵬翔未息翩翩  
而自逝梁鵠書如龍威虎震綳拔弩張張伯英書如武帝愛道憑  
虛欲仙衛恆書如插花舞女援鏡笑春索靖書如飄風忽舉驚鳥

全梁文卷四十八  
五  
乍飛鍾繇書如雲鶴遊天羣鴻戲海行間茂密實亦難過耶  
消化

賜進士出身二品銜廣東等處提刑按察使司按察使兼管驛傳事務黃岡王毓藻校刊

全梁文卷四十八終

全梁文卷四十九

烏程嚴可均校輯

何佟之

佟之字士威廬江潯人晉豫州刺史惲六世孫齊永明初爲揚州從事入爲助教總明館學士遷司徒車騎參軍尙書祠部郎建武中爲鎮北記室參軍領丹陽邑中正歷步兵校尉國子博士遷驃騎諮議參軍中興初拜驍騎將軍梁受禪爲尙書左丞天監四年卒贈黃門侍郎有喪服經傳義疏一卷

上言改正三夏

案周禮主出入則奏王夏尸出入則奏肆夏牲出入則奏昭夏今樂府之夏唯變王夏爲皇夏蓋緣奏漢以來稱皇故也而齊氏仍宋儀注迎神奏昭夏皇帝出入奏永至牲出入更奏引牲之樂其爲舛謬莫斯之甚請下禮局改正

隋書音樂志上天監初北中郎司馬何佟之上言

亥日藉田議

少牢饋食禮云孝孫其來日丁亥用薦歲事于皇祖伯某注云丁未必亥也直舉一日以言之耳。禘太廟禮日用丁亥若不丁亥則用己亥辛亥苟有亥可也。鄭又云必用丁巳者取其令名自丁。盧自變改皆爲謹敬如此。丁亥自是祭祀之日不專施於先農。漢文用此日耕藉祠先農故後王相承用之非有別議。南齊書禮志上永明三年助祭

何休之議

社稷位向議

案禮記郊特牲社祭土而主陰氣也。君南向於北墻下答陰之義也。鄭玄云答猶對也。北墻社內北墻也。王肅云陰氣北向故君南向以答之。答之爲言是相對之稱。知古祭社北向設位齋宮南向明矣。近代相承帝社南向太社及稷並東向而齋官位在清社壇北西向於神背後行禮。又名稷爲稷社甚乖禮意未及知失在何

時原此理當未久竊以皇齋改物禮樂惟新中國之神莫貴於社若遂仍前謬懼虧盛典謂二社語其義則殊論其神則一位竝宜北向稷若北向則成相背稷是百穀之總神非陰氣之主宜依先東向齊官立社壇東北南向立東爲上諸執事西向立南爲上稷依社無兼稱今若欲尊崇正可名爲太稷耳豈得謂爲稷社耶臘祠太社日近案奏事御改定儀注南齊書禮志上永明十一年兼祠部郎何佟之議又見通典四

五十  
釋治禮學士難社稷位向議

來難引君南向荅陽臣北向荅君敢問荅之爲言爲是相對爲是相背相背則社位南向君亦南向可如來議郊特牲云臣之北向荅君復是君背臣今言君南臣北向相稱荅則君南不得稱荅矣記何得云祭社君南向以荅陰邪社果同向則君亦宜西向何故在社南向在郊西向邪解則不然記云君之南向荅陽此明朝會

之時盛陽在南故君南向對之猶聖人南面而聽向明而治之義耳。靈是祈祀天地之日乎。知祭社北向。君答故南向。祀天南向。君答宜北向矣。今皇帝黑纁階東西向者。斯蓋始入之別位。兆接對之時也。案記云。社所以神地之道也。又云。社祭土而主陰氣。又云。不用命戮于社。孔安國云。社主陰。陰主殺。傳曰。日蝕伐鼓于社。杜預云。責羣陰也。社主陰氣之盛。故北向設位。以本其義耳。餘祀雖亦地祇之貴。而不主此義。故位向不同。不得見餘陰祀不北向。便謂社應南向也。案周禮祭社南向。君求幽宜北向。而記云。君南向。答陰之義。求幽之論。不乖歟。魏權漢社。社稷同營共門。稷壇在社壇北。非古制。後移宮南。自當如靜此言。乃是顯漢社失周法。見漢世舊事。爾時祭社南向。未審出何史籍。就如議者靜所言。是祭社位南向。仍漢舊法。漢又襲周成規。因而不改者。則社稷三座並應南向。今何改帝社南向。泰社及稷並東向邪。

南齊書禮志上

明堂配饗議

周之文武尙推后稷以配天。謂文皇宜推世祖以配帝。雖事施於

尊祖。亦義章於嚴父焉。

南齊書禮志上隆昌元年祠部郎何佟之議

戎服會哀議

羔裘玄冠不以弔。理不容以兵服臨喪。宋泰始二年。孝武大祥之

日。于時百寮入臨。皆於宮門變戎服。著衣帻。入臨畢。出外。還襲戎

衣。

南齊書禮志上海陵王瑛百官會哀時纂嚴朝議疑戎服隨會祠部郎何佟之議

喪未終不樂議

昔舜受終文祖。義非肩堯。及放助祖。遏密三祀。近代晉康帝繼

成帝。于時亦不作樂。懷帝永嘉元年。惠帝喪制未終。于時何充議

云。古帝王相承。雖世及有異。而輕重同禮。

南齊書禮志下建武二年祠部郎何佟之議

終朝議疑作樂不

泄哀儀議



春秋之旨。臣子繼君親。雖恩義有殊。而其禮則一。所以敦資敬之情。篤方喪之義。主上雖仰嗣高皇。嘗經北面世祖。方今聖祚御宇。垂訓無窮。在三之恩。理不容替。竊謂世祖祥忌。至尊宜弔服升殿。羣臣同致哀感。事畢。百官詣宣德宮拜表。仍致哀陵園。以引追遠之慕。南齊書禮志下建武二年祠部郎何佟之議

奏南北郊牲色議

案周禮。大宗伯以蒼璧禮天。黃琮禮地。鄭玄又云。皆有牲幣。各放其器之色。知禮天。用玄犢。禮地方。用黃牡矣。牧人云。凡陽祀用騂牲。陰祀用黝牲。鄭玄云。騂。赤黝。黑也。陽祀祭天。南郊及宗廟。陰祀祭地。北郊及社稷。祭法云。燔柴於泰壇。祭天也。瘞埋於泰折。祭地也。用騂犢。鄭云。地陰。祀用黝牲。與天俱用犢。故連言之耳。知此祭天地。卽南北郊矣。今南北兩郊。同用玄牲。又明堂宗廟社稷。俱用赤。有違昔典。又鄭玄云。祭五帝於明堂。勾芒等配。食自晉

以來并圖丘於南郊是以郊壇列五帝勾芒等今明堂祀五精更闕五神之位北郊祭地祇而設重黎之坐二三乖舛懼虧盛則齊書禮志上建武二年祠部郎何休之奏

釋劉繪難南北郊牲色議

周禮以天地爲大祀四望爲次祀山川爲小祀周人尙赤自四望以上牲色各以其方者以共祀大宜從本也山川以下牲色不見者以其祀小從所尙也則論禮二說豈不合符南齊書禮志上

雩祭依明堂議

周禮司巫云若國大旱則帥巫而舞雩鄭玄云雩旱祭也天子於上帝諸侯以下於上公之神又女巫云旱暵則舞雩鄭玄云使女巫舞旱祭崇陰也鄭眾云求雨以女巫禮記月令云命有司爲民祈祀山川百原乃大雩帝用盛樂乃命百縣雩祀百辟卿士有益於民者以祓穀實鄭玄云陽氣盛而恆旱山川百原能興雲致雨

者也。眾水所出爲百原，必先祭其本，霽吁嗟求雨之祭也。霽帝謂爲壇南郊之旁，祭五精之帝，配以先帝也。自鞮鞢至柷，故爲盛樂。他霽用歌舞而已。百辟卿士，古者上公以下，謂勾龍后稷之類也。春秋傳曰：龍見而霽止，當以四月。王肅云：大霽求雨之祭也。傳曰：龍見而霽，謂四月也。若五月六月大旱，亦用霽禮。於五月著霽義也。晉永和年中，丞敫霽制在國之南，爲壇祈上帝百辟，舞童八列，六十四人，歌雲漢詩，皆以孟夏得雨報太牢。于時博士議舊有壇，漢魏各自討尋。月令云：命有司祈祀山川百原，乃大霽。又云：乃命百縣霽祀百辟卿士，則大霽所祭，唯應祭五精之帝而已。勾芒等五神，既是五帝之佐，依鄭玄說，宜配食於庭也。鄭玄云：霽壇在南郊壇之旁，而不辨東西，尋地道尊右，霽壇方郊壇爲輕，理應在左，宜於郊壇之東，營域之外，築壇，既祭五帝，謂壇宜具，尋霽壇高廣，禮傳無明文。案覲禮設方明之祀，爲壇高四尺，用珪璋等六玉，禮

天地四方之神王酋率諸侯親禮爲所以敬尊尊也雩祭五帝祖  
可依放謂今築壇宜崇四八其廣輪仍以四爲度徑四丈周員十  
二丈而四階也設五帝之位各以其方如在明堂之儀皇齊以世  
祖配五精於明堂今亦宜配饗於雩壇矣古者孟春郊祀祈嘉穀  
孟夏雩祭祈甘雨二祭雖殊而所爲者一禮唯有冬至報天初無  
得雨賽帝今雖闕冬至之祭而南郊兼祈報之禮理不容別有賽  
荅之事也禮祀帝於郊則所尙省費周祭靈威仰若后稷各用一  
牲今祀五帝世祖亦宜各用一犢斯外悉如南郊之禮也武皇遇  
密未終自可不奏盛樂至於旱祭舞雩蓋是吁嗟之義旣非存歡  
樂謂此不涉嫌其餘祝史稱辭仰祈靈澤而已禮舞雩乃使無闕  
今之女巫並不習歌舞方就教試恐不應遽依晉朝之議使童子  
或時取舍之宜也司馬彪禮儀志云雩祀著卑衣蓋是崇陰之義  
今祭服皆緇差無所革其所歌之詩及諸供須輒勒主者申攝備

辦南齊書禮志上建武二年旱有司議雲祭依明堂祠部郎何佟之議  
景懿后遷登新廟車服議

周禮王之六服大裘爲上袞冕次之五車玉輅爲上金輅次之皇后六服禕衣爲上綸翟次之首飾有三副爲上編次之五車重翟爲上厭翟次之上公有大裘玉輅而上公夫人有副及禕衣是以祭統云夫人副禕立于東房也又鄭云皇后六服唯上公夫人亦有禕衣詩云翟裼以朝鄭以翟裼爲厭翟侯伯夫人入廟所乘今上公夫人副禕既同則重翟或不殊矣況景皇懿后禮崇九命且晉朝太妃服章之禮同於太后宋代皇太妃唯無五十旗爲異其外侍官則有侍中散騎常侍黃門侍郎散騎侍郎各二人分從前後部同於王者內職則有女尚書女長御各二人榮引同於太后又魏朝之晉王晉之宋王並置百官擬於天朝至於晉文王終猶稱薨而太上皇稱崩則是禮加於王矣故前議景皇后悉依近代

皇太妃之儀則侍衛陪乘並不得異后乘重翟亦謂非疑也尋齊  
初移廟宣皇神主乘金輅皇帝親奉亦乘金輅先往行禮畢仍從  
神主至新廟今所宜依准也南齊書禮志上建武二年有司奏景  
懿皇后遷登新廟車服之儀祠部郎

何佟之議

朝日夕月議

蓋聞聖帝明王之治天下也莫不尊奉天地崇敬日月故冬至祀  
天於員丘夏至祭地於方澤春分朝日秋分朝月所以訓民事君  
之道化下嚴上之義也故禮云王者必父天母地兄日姊月周禮  
典瑞云王搢大圭執鎮圭藻藉五采五就以朝日馬融云天子以  
春分朝日秋分夕月觀禮天子出拜日於東門之外盧植云朝日  
以立春之日也鄭玄云端當爲冕朝日春分之時也禮記朝事議  
云天子冕而執鎮圭尺有二寸率諸侯朝日於東郊所以敬尊尊  
也故鄭知此端爲冕也禮記保傅云三代之禮天子春朝朝日秋

暮夕月所以明有敬也。而不明所用之定辰。馬鄭云。用二分之時。盧植云。用立春之日。佟之以爲日者。太陽之精。月者太陰之精。春分陽氣方永。秋分陰氣向長。天地至尊。用其始。故祭以二至。日月禮次天地。故朝以二分。差有理據。則融立之言得其義矣。漢世則朝朝日。暮夕月。魏文帝詔曰。觀禮天子拜日東門之外。反禮方明。朝事議曰。天子冕而執鎮圭。率諸侯朝日於東郊。以此言之。蓋諸侯朝天子祀方明。因率朝日也。漢改周法。羣公無四朝之事。故不復朝於東郊。得禮之變矣。然旦夕常於殿下東向拜日。其禮太煩。今採周春分之禮。損漢日拜之儀。又無諸侯之事。無所出東郊。今正殿卽亦朝會行禮之庭也。宜常以春分於正殿之庭拜日。其夕月。文不分明。其議奏。魏祕書監薛靖論云。舊事朝日以春分。夕日以秋分。案周禮朝日無常日。鄭立云。用二分。故遂施行。秋分之夕。月多東潛。通典作昇而西向拜之。背實遠矣。謂朝日宜用仲春之朔。夕

月宜用仲秋之朔。瀆于審駁之引。禮記云。祭日於東。祭月於西。以  
端其位。周禮秋分夕月。並行於上世。西向拜月。雖如背實。亦猶月  
在天而祭之於坎。不復言背月也。終之案通典以天子東西遊幸數句皆屬瀆于審駁疑此  
終之二字後人誤加案禮器云。爲朝夕必放於日月。鄭玄云。日出東方。月出  
西方。又云。大明生於東。月生於西。此陰陽之分。夫婦之位也。鄭玄  
云。大明日也。知朝日東向。夕月西向。斯蓋各本其位之所在耳。猶  
如天子東西遊幸。朝堂之官及拜官者。猶北向朝拜。蓋得以背實  
爲疑。卯終之謂。魏世所行。善得與奪之衷。晉初。拜冑丘方澤於兩  
郊。二至輟禮。至於二分之朝。致替無義。江左草創。舊章多闕。宋氏  
因循。未能反古。竊惟皇齊應天御極。典教惟新。謂宜使盛典行之  
盛代。以春分朝於殿庭之西。東向而拜日。秋分夕於殿庭之東。西  
向而拜月。此卽所謂必放日月以端其位之義也。使四方觀化者。  
莫不欣欣而頌義。旒藻之飾。蓋本天之至質也。朝日不得同昊天。



至質之禮故玄冕三旒也近代祀天著袞十二旒極文章之義則是古今禮之變也禮天朝日既服宜有異頃世天子小會著絳紗袍通天金博山冠斯卽今朝服之次袞冕者也竊謂宜依此拜日月甚得差降之宜也終之任非禮局輕奏大典寔爲侵官伏追慙

虞

南齊書禮志上永元元年步兵校尉何佟之議又見通典四十四

### 明堂配饗又議

案祭法有虞氏禘黃帝而郊嚳祖顓頊而宗堯周人禘嚳而郊稷祖文王而宗武王鄭玄云禘郊祖宗謂祭祀以配食也禘謂祀昊天於圓丘也祭上帝於南郊曰祭祀五帝五神於明堂曰祖宗郊祭一帝而明堂祭五帝小德配寡大德配眾王肅云祖宗是廟不毀之名果如肅言殷有三祖三宗並應不毀何故止稱湯契且王者之後存焉舜當立堯顓之廟傳世祀之乎漢文以高祖配泰畤至武帝立明堂復以高祖配食一人西配有乖聖典自漢明以來

未能反者故明堂無兼配之祀竊謂先皇帝列二帝於文祖尊新廟爲高宗並世祖而泛配以申聖主嚴父之義先皇於武皇倫則第爲季義則經爲臣設配饗之坐應在世祖之下並列俱西向南齊書禮志上永元二年修之又建議

又釋王摘難明堂配饗議

孝經是周公居攝時禮祭法是成王反位後所行故孝經以文王爲宗祭法以文王爲祖又孝莫大於嚴父配天則周公其人也尋此旨蓋施成王乎若孝經所說審是成王所行則爲嚴祖何得云嚴父邪且思文是周公祀后稷配天之樂歌我將是祀文王配明德之樂歌若如摘議則此二篇皆應在復子明辟之後請問周公祀后稷文王爲何所歌又國語云周人禘嘗郊稷祖文王宗武王韋昭云周公時以文王爲宗其後更以文王爲祖武王爲宗尋文王以文治而爲祖武王以武定而爲宗欲明文亦有大德武亦有



祭服除絳袴議

公卿以下祭服裏有中衣卽今之中單也案後漢輿服志明帝永平二年初詔有司採周官禮記尙書乘輿服從歐陽說公卿以下服從大小夏侯說祭服絳緣領袖爲中衣絳袴祿示其赤心奉神今中衣絳緣足有所明無俟於袴旣非聖法請不可施

隋書禮儀志六天監

三年何佟之議遂依議除之又見通典六十一

禘祫及功議

禘於首夏物皆未成故爲小祫於秋冬萬物皆成其禮尤大司勳列功臣有六皆祭於大蒸知祫尤大乃及之也近代禘祫並不及功臣有乖典制宜改

隋書禮儀志二天監三年尙書左丞何佟之議詔從之又見通典五十

郊祭議

今之郊祭是報昔歲之功而祈今年之福故取歲首上辛不拘立春之先後周冬至於圓丘大報天也夏正又郊以祈農事故有啟

釐之說自晉太始二年并圓丘方澤同於二郊是知今之郊禋禮兼祈報不得限以一途也隋書禮儀志一天監三年左丞吳操之啟稱傳云殷釐而郊郊應立春之後尙書左丞何佟之議

郊壇器席議

案禮祭器饗則埋之今一用便埋費而乖典隋書禮儀志一天監三年有司以爲祀竟器席相承還庫請依典燒埋之佟之等議又見通典四十二省牲牽牲割牲議

案禮未祭一日大宗伯省牲饌祭日之晨君親牽牲驅碑後代有冒暗之防而人主猶必親奉故有夕牲之禮頃代人君不復躬牽相承丹陽尹牽牲於古無取宜依以未祭一日之暮太常省牲視饌祭日之晨使太尉牽牲出入也少牢饋食殺牲於廟門外今儀注詣廚烹牲謂宜依舊隋書禮儀志二天監四年何佟之議帝可其奏

郊不宜裸啟

案禮者盛以六彝覆以畫帟備其文飾施之宗廟今南北二郊儀注有裸既乖尙質謂宜革變隋書禮儀志一通典四十二天監三年

郊祀饋題啟

周禮天曰神地曰祇今天不稱神地不稱祇天饋題宜曰皇天座地饋宜曰后地座又南郊明堂用沈香取本天之質陽所宜也北郊用上和香以地於人親宜加雜馥隋書禮儀志一天監四年修敬作敬

賜進士出身二品銜廣東等處提刑按察使司按察使兼管驛傳事務黃岡王毓藻校刊

全梁文卷四十九終

全梁文卷五十

烏程嚴可均校輯

徐勉

勉字脩仁東海郟人齊永明初國子生射策高第補西陽王國  
侍郎遷太學博士鎮軍參軍尚書殿中郎免又除中兵郎領軍  
長史梁受禪拜中書侍郎遷建威將軍後軍諮議參軍本邑中  
正尚書左丞除給事黃門侍郎尚書吏部郎遷侍中除給事中  
五兵尚書遷吏部尚書除散騎常侍領太子右衛率遷左衛將  
軍領太子中庶子轉太子詹事領雲騎將軍遷尚書右僕射改  
授侍中宣惠將軍又除尚書僕射中衛將軍加中書令移授特  
進右光祿大夫大同元年卒年七十謚曰簡肅公有前集三十  
五卷後集十六卷

萱草花賦

覽詩人之比興寄草木以命詞惟平章之萱草欲忘憂而樹之爰  
有幽憂庭閑志靜高木列其陰蘭芳粦其影翫叢蓀之爭芬悅羣  
根之競穎或開紅而散紫成莖蓋於上春信茲花之獨秀投金質  
於炎辰旣耀色以祛瘴亦含香而可均不恃合歡之木无俟孫枝  
之筠同芰荷於蘭蓀及蟬露乎首夏其葉四垂其附六出亦曰宜  
男加名斯吉麗而不艷雅而不質隨晦明而舒卷與風霜而榮悴  
笑杜蘅與揭車何眾彙之能匹

初學記  
二十七

鵲賦

觀羽族之多類竇巨細以羣飛旣若雲而彌上亦棲曉而忘歸爰  
有茲禽六翩斯具生无隱嘿質有玄素匪違景而就暑通四節以  
馳驚出崑山而抵玉入召南而興賦其識知來其巢知風比之烈  
士時起則雄蓬翳蒼而翔集乘清吹而西東荷休朋以得性游苑  
囿以自終

初學記  
三十



上修五禮表

臣聞立天之道曰陰與陽立人之道曰仁與義故稱導之以德齊之以禮夫禮所以安上治人弘風訓俗經國家利後嗣者也唐虞三代咸必由之在乎有周憲章尤備因殷革夏損益可知雖復經禮三百曲禮三千經文三百威儀三千其大歸有五卽宗伯所掌典禮吉爲上凶次之賓次之軍次之嘉爲下也故祠祭不以禮則不齊不莊喪紀不以禮則背死忘生者眾賓客不以禮則朝覲失其儀軍旅不以禮則致亂於師律冠婚不以禮則男女失其時爲國修身於斯攸急洎周室大壞王道旣衰官守斯文日失其序禮樂征伐出自諸侯小雅盡廢舊章缺矣是以韓宣適魯知周公之德叔侯在晉辨郊勞之儀戰國從橫政教愈泯暴秦滅學掃地無餘漢氏鬱興日不暇給猶命叔孫於外野方知帝王之爲貴末葉紛綸遽有興毀或以武功銳志或好黃老之言禮義之式於焉中

止及東京曹褒南宮制述集其散略百有餘篇雖寫以尺簡而終  
闕平奏其後兵革相尋異端互起章句旣淪俎豆斯輟方領矩步  
之容事滅於旌鼓蘭臺石室之文用盡於帷蓋至乎晉初爰定新  
禮荀顗制之於前摯虞刪之於末旣而中原喪亂罕有所遺江左  
草創因循而已釐革之風是則未暇伏惟陛下睿明啟運先天改  
物撥亂惟武經時以文作樂在乎功成制禮弘於業定光啟二學  
皇枝等於貴遊闢茲五館草萊升以好爵爰自受命迄于吉成盛  
德形容備矣天下能事畢矣明明穆穆無德而稱焉至若玄符靈  
貺之祥浮溟機山之寶固亦日書左史副在司存今可得而略也  
是以命彼羣才搜甘泉之法延茲碩學闡曲臺之儀淄上淹中之  
儒連蹤繼軌負笈懷鉛之彥匪旦伊夕諒以化穆三雍人從五典  
秩宗之教勃焉以興伏尋所定五禮起齊永明三年太子步兵校  
尉伏曼容表求制一代禮樂於時參議置新舊學士十人止修五

禮諸稟衛將軍丹陽尹王儉學士亦分住郡中製作歷年猶未克就及文憲薨殂遺文散逸後又以事付國子祭酒何肩經涉九載猶復未畢建武四年肩還東山齊明帝敕委尚書令徐孝嗣舊事本末隨在南第永元中孝嗣於此遇禍又多零落當時鳩斂所餘權付尚書左丞蔡仲熊驍騎將軍何佟之共掌其事時修禮局住在國子學中門外東昏之代頻有軍火其所散失又踰大半天監元年佟之啟審省置之宜敕使外詳時尚書參詳以天地初革庶務權興宜俟隆平徐議刪撰欲且省禮局併還尚書儀曹詔旨云禮壞樂缺故國異家殊實宜以時修定以爲永准但頃之修撰以情取人不以學進其掌知者以貴總一不以稽古所以歷年不就有名無實此旣經國所先外可議其人人定便卽撰次於是尚書僕射沈約等參議請五禮各置舊學士一人人各自舉學士二人相助抄撰其中有疑者依前漢石渠後漢白虎隨源以聞請旨斷

決乃以舊學士右軍記室參軍明山賓掌吉禮中軍騎兵參軍嚴  
植之掌凶禮中軍田曹行參軍兼太常丞賀暘掌賓禮征虜記室  
參軍陸璉掌軍禮右軍參軍司馬襲掌嘉禮尚書左丞何佟之總  
參其事佟之亡後以鎮北諮議參軍伏暉代之後又以暉代嚴植  
之掌凶禮暉尋遷官以五經博士繆昭掌凶禮復以禮儀深廣記  
載殘缺宜須博論共盡其致更使鎮軍將軍丹陽尹沈約太常卿  
張充及臣三人同參厥務臣又奉別敕總知其事未又使中書侍  
郎周捨庾於陵二人復豫參知若有疑義所掌學士當職先立議  
通諮五禮舊學士及參知各言同異條牒啟聞決之制旨疑事既  
多歲時又積制旨裁斷其數不少莫不網羅經誥玉振金聲義貫  
幽微理入神契前儒所不釋後學所未聞凡諸奏決皆載篇首具  
列聖旨爲不刊之則洪規盛範冠絕百王茂實英聲方垂千載寧  
孝宣之能擬豈孝章之足云五禮之職事有繁簡及其列舉不得

同時嘉禮儀注以天監六年五月七日上尚書合十有二秩一百一十六卷五百三十六條賓禮儀注以天監六年五月二十日上尚書合十有七秩一百三十三卷五百四十五條軍禮儀注以天監九年十月二十九日上尚書合十有八秩一百八十九卷二百四十條吉禮儀注以天監十一年十一月十日上尚書合二十有六秩二百二十四卷一千五條凶禮儀注以天監十一年十一月十七日上尚書合四十有七秩五百一十四卷五千六百九十三條大凡一百二十秩一千一百七十六卷八千一十九條又列副祕閣及五經典書各一通繕寫校定以普通五年二月始獲洗畢竊以撰正履禮歷代罕就皇明在運厥功克成周代三千舉其盈數今之八千隨事附益質文相變故其數兼倍猶如八卦之爻因而重之錯綜成六十四也昔文武二王所以綱紀周室君臨天下公旦脩之以致太平龍鳳之瑞自斯厥後甫備茲曰孔子曰其有

繼周雖百代可知豈所謂齊功比美者歟臣以庸識謬司其任淹  
畱歷稔允當斯責兼勒成之初未遑表上實由才輕務廣思力不  
周永言慙惕無忘寤寐自今春與駕將親六師搜尋軍禮閱其條  
章靡不該備所謂郁郁文哉煥乎洋溢信可以懸諸日月頒之天  
下者矣愚心喜抃彌思陳述兼前後聯官一時皆逝臣雖幸存耄  
已將及慮皇世大典遂闕騰奏不任下情輒具載撰修始末并職  
掌人所成卷秩條目之數謹拜表以聞

梁書徐勉傳普通六年又南史六十

上疏請禁速斂

禮記問喪云三日而後斂者以俟其生也三日而不生亦不生矣  
自頃以來不遵斯制送終之禮殯以晷日潤屋豪家乃或半晷衣  
衾棺槨以速爲榮親戚徒隸各念休反故屬纊纔畢灰釘已具忘  
狐鼠之顧步愧燕雀之徊翔傷情滅理莫此爲大且人子承衾之  
時志盡心絕喪事所資悉關他手愛憎深淺事實難原如覘視或

爽存沒違愆使萬有其一怨酷已多豈若緩其告斂之晨申其望生之冀請自今土庶宜悉依古三日大斂如有不奉加以糾繩

書

徐勉傳時人聞喪事多不遵禮朝終夕殯相尚以速勉上疏詔可

釋奠會升階議

鄭玄云由命士以上父子異宮宮室既異無不由阼階之禮請釋奠及晏會太子升堂並宜由東階若輿駕幸學自然中陛又檢東宮元會儀注太子升崇正殿不欲東西階責東宮典儀列云太子元會升自西階此則相承爲謬請自今東宮大公事太子升崇正殿並由阼階其預會賓客依舊西階

隋書禮儀志四天皇監八年皇太子釋奠吏部郎徐勉議又

見通典五十三

謝敕賜絹啟

臣勉言傳詔傳靈惠宣敕垂賜絹二十四匹伏惟皇太子膺情天發粹性玄凝作震春方繼離朱陸嘉日茂辰畢宮告始龍樓起曜博

望增華、含生鳧藻、率土抃躍、臣運屬會昌、命逢多幸、預奉休盛、復  
頒恩錫、白素起獨麗之色、兼兩邁丘園之貴、慶荷之情、實百常品、  
不任下情、謹奉啟謝聞、謹啟、初學記  
二十七

報伏挺書

復覽來書、累牘兼翰、事苞出處、言兼語默、事義周悉、意致深遠、發  
函伸紙、倍曾憤歎、卿雄州擢秀、弱冠升朝、穿綜百家、佃漁六學、觀  
眸表其韶慧、視色見其英朗、若魯國之名駒、邁雲中之白鶴、及占  
顯邑、試之腴壤、將有武城弦歌、桐鄉謠詠、豈與卓魯斷斷同年而  
語邪、方當見賞、良能有加、寵授飾茲簪帶、寘彼周行、而欲遠慕卷  
舒、用懷愚智、既知益之爲累、爰悟滿則辭多、高蹈風塵、良所欽挹、  
況以金商戒節、素秋御序、蕭條林野、無人相樂、偃卧墳籍、遊浪儒  
玄、物我兼忘、寵辱誰滯、誠乃歡羨、用有殊同、今逖聽傍求、興懷寤  
宿、白駒空谷、幽人引領、貧賤爲恥、鳥獸難羣、故當捐此薜蘿、出從



鵷鷺無乖隱顯不亦休哉吾智乏佐時才慙濟世稟承朝則不敢  
荒盡力弱途遙愧心非一天下有道堯人何事得因疲病念從閑  
逸若使車書混合尉候無警作樂制禮紀石封山然後乃返服衡  
門實爲多幸但夙有風歎遽茲虛眩瘠類士安羸同長孺簿領沈  
廢臺閣未理娛耳爛腸因事而息非關欲追松子遠慕畱侯若乃  
天假之年自當靖恭所職擬非倫匹良覺辭費覽復循環爽焉如  
失清塵獨遠白雲飄蕩依然何極猥降書札示之文翰覽復成誦  
流連縟紙昔仲宣才敏藉中郎而表譽正平穎悟賴北海以騰聲  
望古料今吾有慙德倘成卷帙力爲稱首無令獨耀隨掌空使辭  
人扼腕式閭願見宜事掃門亦有來思赴其懸榻輕苔魚網別當  
以薦城闕之歎曷日無懷所遲萱蘇書不盡意

梁書伏  
挺傳

答釋法雲書難范縝神滅論

天旨所答臣下神滅論一日羸蒙垂示辱告重送伏加研讀窮理

盡寂精義入神文義兼明超深俗表詳求三世皎若發蒙非直謹  
加誦持輒合班之未悟惠示承眷至弟子徐勉和南宏明集十  
爲書誠子崧

吾家世清廉故常居貧素至於產業之事所未嘗言非直不經營  
而已薄躬遭逢遂至今日尊官厚祿可謂備之每念叨竊若斯豈  
由才致仰藉先代風範及以福慶故臻此耳古人所謂以清白遺  
子孫不亦厚乎梁書徐勉傳又略見  
茲文類聚二十三

遺子黃金滿贏不如一經詳求此言信非徒語吾雖不敏實有本  
志庶得遵奉斯義不敢墜失所以顯貴以來將三十載門人故舊  
亟薦便宜或使創闢田園或勸興立邸店又欲舳舻運致亦令貨  
殖聚斂若此事眾皆距而不納非謂拔葵去織且欲省息紛紜中  
牟聊於東田閒營小園者非在播藝以要利人正欲穿池種樹少  
寄情賞又以郊際閑曠終可爲宅儻獲懸車致事實欲歌哭於斯

慧曰十住等既應營婚又須住止吾清明門宅無相容處所以爾  
者亦復有以前割西邊施宣武寺既失西廂不復方幅意亦謂此  
逆旅舍耳何事須華常恨時人謂是我宅古往今來豪富繼踵高  
門甲第連闔洞房宛其死矣定是誰室但不能不爲墻塼之山聚  
石移果雜以花卉以娛休沐用託性靈隨便架立不在廣大惟功  
德處小以爲好所以內中逼促無復房宇近營東邊兒孫二宅乃  
藉十住南還之資其中所須猶爲不少既牽挽不至又不可中途  
而輟郊閒之園遂不辦保貨與韋黯乃獲百金成就兩宅已消其  
半尋園價所得何以至此由吾經始歷年粗已成立桃李茂密桐  
竹成陰塋陌交通渠畎相屬華樓迴謝頗有臨眺之美孤峯叢薄  
不無糾紛之興漬中竝饒菰蔣湖裏殊富菱荷雖云人外城闕密  
邇輩生欲之亦雅有情趣追述此事非有公心蓋是筆勢南史作  
事意  
所至耳憶謝靈運山家詩云中爲天地物今成鄙夫有吾此園有

之二十載矣。今爲天地物物之與我相校幾何哉。此吾所餘。今以分汝。營小田舍。親累旣多。理亦須此。且釋氏之教。以財物謂之外命。儒典亦稱何以聚人曰財。況汝曹常情。安得忘此。聞汝所買姑熟田地。甚爲曷鹵。彌復可安。所以如此。非物競故也。雖事異寢丘。聊可髣髴。孔子曰。居家理治。可移於官。旣已營之。宜使成立。進退兩亡。更貽恥笑。若有所收穫。汝可自分贍。內外大小。宜令得所。非吾所知。又復應沾之諸女耳。汝旣居長。故有此及。凡爲人長。殊復不易。當使中外諧緝。人無閒言。先物後己。然後可貴。老生云。後其身而身先。若能爾者。更招巨利。汝當自最。見賢思齊。不宜忽略。以棄日也。藝文類聚此下有非徒二字棄日乃是棄身。身名美惡。豈不大哉。可不慎歟。今之所敕。略言此意。正謂爲家已來。不事資產。旣立墅舍。以乖舊業。陳其始末。無愧懷抱。兼吾年時朽暮。心力稍殫。牽課奉公。略不克舉。其中餘暇。裁可自休。或復冬日之陽。夏日之陰。良辰美

景文案閒隙負杖躡屨逍遙陋館臨池觀魚披林聽鳥濁酒一杯  
彈琴一曲求數刻之暫樂庶居常以待終不宜復勞家閒細務汝  
交關既定此書又行凡所資須付給如別自茲以後吾不復言及  
田事汝亦勿復與吾言之假使堯水湯旱吾豈知如何若其滿庾  
盈箱爾之幸遇如斯之事竝無俟令吾知也記云夫孝者善繼人  
之志善述人之事今且望汝全吾此志則無所恨矣

梁書徐勉傳  
南史六十又

略見魏文類  
卷二十三

答客喻

普通五年春二月丁丑余第二息晉安內史忸喪之問至焉舉家  
傷悼心情若隕二宮竝降中使以相慰勗親遊賓客畢來弔問輒  
慟哭失聲悲不自己所謂父子天性不知涕之所從來也於是門  
人慮其肆情所鍾容致委頓乃斂衽而進曰僕聞古往今來理運  
之常數春榮秋落氣象之定期人居其閒譬諸逆旅生寄死歸墓

於通論是以深識之士悠爾忘懷東門歸無之旨見稱往哲西河  
喪明之過取誚友朋足下受遇於朝任居端右憂深責重休戚是  
均宜其遺情下流止哀加飯上存奉國俯示隆家豈可縱此無益  
同之兒女傷情損識或虧生務門下竊議咸爲君俟不取也余雪  
泣而答曰彭殤之達義延吳之雅言亦常聞之矣顧所以未能弭  
意者請陳其說夫植樹階庭欽柯葉之茂爲山累仞惜覆簣之功  
故秀而不實尼父爲之歎息析彼岐路楊子所以畱連事有可深  
聖賢靡仰今吾所悲亦以排始踰立歲孝悌之至自幼而長文章  
之美得之天然好學不倦居無塵雜多所著述盈帙滿筥淡然得  
失之際不見喜愠之容及翰飛東朝參伍盛列其所遊往皆一時  
才俊賦詩頌詠終日忘疲每從容謂吾以遭逢時來位隆任要當  
應推賢下士先物後身然後可以報恩明主克保元吉俾余二紀  
之中忝竊若是幸無大過者繫此子之助焉自出閩區政存清靜

冀其旋反少慰衰暮言念今日眇然長往加以閭棺千里之外未  
知歸骨之期雖復無情之倫庸詎不痛於昔夷甫孩抱中物尚盡  
慟以待賓安仁未及七旬猶慙慙於詞賦況夫名立官成半途而  
廢者亦焉可已已哉求其此懷可謂蓄實之義諸賢既貽格言喻  
以大理即日輟哀命駕脩職事焉梁書徐勉傳勉第二子排卒痛悼甚至不欲久廢王務乃為答

客喻其  
辭云云

臨海太守伏曼容墓誌銘

爲大司馬諮議參軍出爲武昌太守

文選謝朓和伏武昌  
登孫權校城詩注

給事黃門侍郎伏暉墓誌銘

東區南服愛結民胥相望伏闕繼軌奏書或臥其轍或攀其車或

圖其像或式其間思耿借寇曷以尙諸梁書伏  
暉傳

故侍中司空永興昭王墓誌銘

尙書右僕射太子詹事臣徐勉奉敕撰

公諱敷字仲達蘭陵蘭陵人皇帝之次兄也炳靈聖緒體口璇源  
積德賢仁之基配天經營之業固以詳乎二策載在六詩今無得  
而稱矣公夙挺珪璋早標時口口儀口明神容潤凝孝友天至率  
由而盡義讓因心無待傍習行爲表綴動成鐸範斟酌流品口核  
羣藝莫不採其英華振其綱領雖墻宇重仞而溫其如玉氣厲秋  
霜而體含春露故口之者口識涯涘挹之者虛往實歸加以沖謙  
下物傾身接士愛好閑靜雅善談諷寵辱不干懷抱喜慍因帶面  
粉汪汪焉聲聲焉固不可量已解褐齊後軍長沙王行參軍武陵  
王始開戎號口口口口又行參冠軍征虜二府軍事人爲太子舍  
人濯纓承華清風載穆衡陽王冠婚禮備問口彼口以公爲文學  
稱爲盛選俄遷太子洗馬又爲南海王友洗馬之職既口儀形會  
友口任宜弘斧藻長虞公幹莫或加焉出補丹楊尹丞復入爲太  
子中舍人三口龍樓仍歷口禁清談口論咸以爲榮司部濱接轡



虞、並有充斥。漢東之國貽憂。西顧以公兼資文武。出爲建威將軍。隋郡內史。下車。口口威德大著。時獯獫侵逼義陽。四山牙相影響。郡內孤危。兵糧口弱。公口加口口。視險若夷。於是百姓相攜入城。城中殆無復相容處。咸曰。賊若能來。必爲府君死戰。物情如口口口口。遂息。於是關抵清夷。民俗殷阜。進號寧朔將軍。內史如故。久之。徵爲後軍廬陵王諮議參軍。從容諷味。雅有弘益。天不慙遺。遠塗未至。以齊建武四年八月六日薨。春秋卅有七。知與不知。咸嗟殄悴。聖上應期革命。受終文祖。覽周南而雪涕。詠常棣而興哀。天監元年四月八日。詔曰。亡兄齊故後軍諮議參軍德履沖粹。識業淵通。徽聲嘉譽。風流藉甚。道長世短。口塵緬邈。感惟既往。永慕勵心。可追贈侍中司空永陽郡王食邑二千戶。謚曰昭王。禮也。子恭王伯遊嗣。恭王早世。子隆嗣。昭王之妃王氏。於本國爲大太妃。以今普通元年十一月九日薨。其月廿八日申。祔葬之典。又下詔曰。

亡兄故侍中司空永陽昭王墳塋當開靈筵暨設追慕摧慟不能  
自勝可遣使奉祭言增感哽惟公體道淵塞風格峻遠履信基仁  
自家彤國寶運勃興地隆魯衛茂冊徒然神猷永戢今幽誕暨啟  
哀傷虛陳皇情深孔懷之悲縉紳仰人百之慟爰詔司事式改明  
旌迺作銘曰

惟山峻極羣峰以構惟海泱泱百流是濬赫矣皇業昭哉洪胄布  
葉分口如彼列宿恭惟茂德英明在躬該茲學行穆是清風令問  
不已羽儀克隆若林之蔚若川之沖資口以冥秉心而蹈立人之  
美亦符前誥泰靡革情約不移操莫觀其涯莫窺其奧爰初理翰  
振藻騰光出高蕃采入映華坊且文且會煥彼周行言貳河輔綽  
有餘芳關侯未息亂繩宜理作守漢濱咸懷斯俟旣明烽口又清  
獄市樹蹟來歸復遊衡里口云與善遙塗始半徂萃繁霜遽捐華  
館歲時荏苒松陰行口口口飛典章有爛姬公口制耐禮載口

幽局斯啟。客物整陳。窮深□□。於焉反真。我皇□□。德攸新俾。諸來葉永鑒清塵。

碑拓本

故永陽敬太妃墓誌銘

永陽大太妃王氏琅邪臨沂人也。其先周靈王之後。自秦漢逮於晉宋。世載光□。羽儀相屬。既以備于前志。故可得而畧焉。祖粹給事黃門侍郎。父儼左將軍司馬。尋陽內史。竝見稱時輩。太妃體中和之氣。稟華宗之烈。蹈此溫恭。表茲淑慎。孝敬資於冥發。仁愛□於自然。至平四教六訓之閑。工言貞婉之德。無待教成。罔不該備。故景行著于中□。淑問顯乎言歸。作嬪盛德。實光輔佐。親縫幕之用。躬服澣之勤。及早世釐居。遺孤載藐。提攜撫育。逮乎成備。斷織之訓。既明閨門之禮。斯洽。劬勞必盡。曾不移志。用能緝睦于中外。亦以弘濟乎艱難。雖魯姜之勤節。曹妃之敬讓。方之蔑如也。皇業有造。殷憂啟聖。追惟魯衛。建國永陽。恭王纂嗣。蕃號式顯。迺拜爲

太妃策曰維天監二年六月甲午朔十日癸卯皇帝遣宗室員外散騎侍郎持節兼散騎常侍蕭敬寶策命永陽王母王氏爲國太妃曰於戲惟爾茂德內湛粹範外昭國序凝芬蕃庭仰訓是用式遵舊典載章徽服往欽哉肅茲休烈可不慎歟備綸璣之華而降心彌約居千乘之貴而處物愈厚旣而恭王不永禮從口口訓導嗣孫載光榮祉年高事重志義方隆宜永綏福履而奄奪鴻慶以普通元年十月廿三日遘疾十一月九日已卯薨於第春秋五十有九詔曰永陽大太妃奄至薨逝哀摧切割不能自勝使出敘哀可給東園祕器喪事所須隨由口口葬祖行有辰武弘茂典又詔曰故永陽大太妃禮數有殊德行惟光訓範蕃嗣式盛母儀卽遠戒期悲懷抽割可詳典故以隆嘉諡禮也粵其月廿八日戊戌祔瘞于琅邪臨沂縣長千里黃鵠山用宣風烈以昭弗朽迺爲銘曰清瀾悠邈其儀尙矣龍光曩照風流世祀猗歟罔厪於昭不已誕

資仁淑作嬪君子幽閑表操明德自躬推厚處薄秉默居沖參差  
採筆揜映言工鑒昭彤管識懋休風凝芬載湛芳猷允塞徒舍爲  
訓止閭成則曹號母儀豈伊婦德穆茲閨闈彤于邦國龍飛集運  
禮數攸鍾憲章盛典車服有容泰而愈約貴則彌恭蕃祉方茂繁  
嗣克重巾帶差池朝夕咸事雖曰任傅永請斯備是惟仁姑厥德  
可庇恂恂濟濟蘭芳瓊祕光陰易晚祺福難畱閨儀罷映禴華奄  
收奠遷朱邸駕指行楸芳口是勒大口方攸尙書右僕射太子詹  
事臣勉奉敕撰古刻叢鈔

梁故侍中司徒驃騎將軍始興忠武王碑

上天口降玄鳥以居毫口口口白馬口口口初啟口是惟口口  
文終口口口口口口口口寺口口上書口府勳紀太常口口爲  
口口後口口口集口命口口口口家口口之口於斯乎口口口  
口口口資三口口口口口口明之口口上友因心敬口口年口

□□生吳太妃有疾□衣不解帶闕室邇人口則應之千里□□  
□□□府□□西中郎□□□□□□□遊戎佐言詠□  
□齊□□□□□□□□□□□念闕風雲之會乘天地  
之□□□□□□□□□□□□□□□□□□□□□□  
□紛紜□勇公參贊神謨夙興帷幄功□□□□□□州□  
□□□以公□□□將軍西中郎諮議□□□□中郎俄遷給事  
黃門侍郎□□□□□□□□□□□□□□□南平□□  
守□部于□□□□宅心□□百營會人神協契莫不率從而□□之  
□□□□□□□□□□□□□□□實繁有徒□□□王□公□□□  
□□□□□□□□□□□□□□□□□□□□□□□□  
太守顏□都魏興太守□師仁□□□□□踰一萬謀據漢北將  
至城下必毗贊許謨盡其晨□□□□□□□□□□□□  
□□□及蕭□□□休烈來闕□□姦回猶騁豕突方縱又鎮軍將

軍蕭穎胄佐命西朝政教攸在一朝徂殞內外口然以公式遇口  
口口口口口口下口榮徵公入輔間命選徒裹糧遄邁紀關以英  
口罪人斯得七口底定百揆時敘大蕃興后來之歌皇興無反顧  
之慮和帝西下以公爲使持節都督荆湘益寧南北秦六州諸軍  
事平西將軍行關上承口業口口口口維城口口口勳兼望夷口  
惟魯衛帝曰欽哉口字南服天監元年四月封始興郡王食邑二  
千戶江漢之口實惟南國形勝之要口鎮西楚苞含巖挺控接巴  
巫分陝關總督口口口口口詔使持節都督荆湘益寧南北秦  
六州諸軍事安西將軍荊州刺史公襄礪以化黎氓張袖以納夷  
狄先之以德惠後之以威刑廣田省役階無滯訟應接如神關上我  
口口口口命公折簡以示禍福口俟兵卒之勞成都又安公之力也  
事閒務閑常集賓僚訪問政道談述詩賦親屈車騎軾隱者之廬  
虛己降尊延白屋之士給醫藥以拯疾病建關上以古方今豈口口

□□□□□外被茂□於楚山尋加鼓吹一部六年沮漳暴水  
汎濫原隰南岸邑居頻年爲患老弱遑遽將至沈溺公匪憚櫛沐  
躬自臨視忘垂堂之貴附歎服德之攸□皆曰神明四郡所漂賑  
以私粟髡眉紅髮莫不歌頌是歲嘉禾一莖九穗生於郿州甘露  
降于府桐樹唐叔之美事附水漿不入口六日毀瘠三年扶□□  
□□旨□喻以大軍之後宜盡緩□□表自陳□哀苦次服制有  
關毀□踰□羊枯不堪屐履荀顗面不可識哀瘠在皇憂未忘也  
其附詔都督北討眾□□率□□中書令中衛將軍□□衛尉卿  
公趨事紫□兼總關析絲綸□□矜帶以□八□斯謐千廬無警  
其年秋更授使持節散騎常侍□□□□□徐□□五州諸  
軍事鎮北將軍兗州刺史以□□□服□□□□□□□□  
□□□□□□□舊曰難治公□車□□懷遠能邇貝錦在路  
不盜竊於遠中桃李乘陰不潛撥於樾下李珣率由清約馬□□



□□九年六月遷使持節散騎常侍都督益寧梁南北秦沙六州

[illegible]

於主畿表君平之舊廬軾長卿之故館則口口口口十四年更

深友關風夜困懶吐握口怠月八日疾至大漸

劬勞□寄□內掌□司嘉猷彌著方正位論道□□□□  
 奄□

虛淨枕戈授律則勳隆協贊孝敬盡于君親仁義行于鄉里孜孜

爲善溫溫克讓  
神妙極矣藻  
存勿  
續著荊蠻化

行□□□□其□□□其□推賢下士降尊就卑無棄賤貧所珍  
儒雅鹽梅鼎寶舟楫大川信列辟之羽儀庶僚之准的者也加以  
深信大道妙識若空味絕滋腴身離煩渴上固能使□世鑽仰道  
俗□□功高宇宙譽穆惇□□□□□□□□□□吏民哀慟禔  
經成林瞻太山而彌悲仰棟宇而興慕諒已鏤金雕玉昭像鳳曄  
飾碧繪丹畫刊麟閣戎狄思耿胡羌悲鄧告哀墮淚不上羅玄昭  
等烟霞□阻川路悠長不及卜遠之辰罔遂易名之請灑泣□寄  
銜恨莫申謹遵前義刊□立碑髣髴令德依稀神儀傳世代而莫  
朽等山川而無酬其辭曰

日月貞明川岫澄清□□奉職毗世作楨於鑠忠武體二于清義  
均夷旦道藹□平棟梁世則羽翼人英木運告圯霖倫殄覆上水  
虎嘯樊谷關河之寄允歸親睦若恂係兵猶可轉轂締構寶玄山  
河萬寓雲雷利□□□□土比漢於梁方周于魯擁旌推轂出蕃

入輔車服有庸。旗章有序。六條設教。八命冒彰。再臨七澤。傍上口彭泗。恩浹樊襄。有來斯穆。無思不康。弘口聖化。休我烈光。文武兼姿。出內均美。式口口口肅雍中壘。儀彤三事。飛騰九軌。綽是謳歌。明茲獄市。方趨上鉉。燮理陰陽。陪鑾日觀。侍蹕龍鄉。超上台光。報施爲虛。福仁遂爽。瓊樹云落。人倫安放。罷市四蕃。行號十壤。吏民摧慕。賓迎口罔。山海安託。禪珮空想。如鄭喪僑。由晉亡嚮。西光暖暖。東川濊濊。時謝恩深。牟流德廣。式雕玄口。永寄希仰。侍中尙書右僕射宣惠將軍東海徐勉造。碑拓本

徐忬

忬勉從子。武陵王紀鎮益州。以爲直兵參軍。紀僭號。固諫見殺。

與將帥書

事事往人口具

南史五十三  
武陵王紀傳

徐摛

摘字士秀一字士績東海郟人天監中爲太學博士遷左衛司馬選爲晉安王侍讀補雲麾府記室參軍轉平西府中記室轉安北中錄事參軍帶郟令除秣陵令隨府遷諮議參軍兼監鹽府長史王入爲皇太子轉家令出爲新安太守還爲中庶子加戎昭將軍除太子左衛率簡文帝卽位授左衛將軍不拜卒年七十八諡曰貞子

冬蕉卷心賦

枝殘心於孤翠植晚翫於冬餘枝橫風而悴色葉漬雪而傷枯

類聚人

十七

婦見舅姑議

儀禮云質明贊見婦於舅姑雜記又云婦見舅姑兄弟姊妹皆立于堂下政言婦是外宗未審嫺令所以停坐三朝觀其七德舅延外客姑率內賓堂下之儀以備盛禮近代婦於舅姑本有戚屬不

相瞻看夫人乃妃姪女有異他姻覲見之儀謂應可略梁書徐摘

納夫人王氏晉宋已來婦見舅姑眾賓皆列觀摘曰云云太宗從其議

江革

革字休映濟陽考城人齊永明初補國子生舉高第歷司徒竟陵王西邸學士舉南徐州秀才除奉朝請東昏卽位爲僕射江祏府丞除尚書駕部郎武帝入建康令掌書記天監初出爲建安王偉鎮北記室參軍帶中廬令隨府遷丹陽尹記室領五官掾除通直散騎常侍歷秣陵建康令入爲中書舍人尚書左丞司農卿復出爲晉安王雲麾長史尋陽太守行江州事徙廬陵王仁威長史遷御史中丞除少府卿普通中出爲豫章王綜鎮北長史廣陵太守隨府移鎮彭城城陷爲魏所擒尋遣還除臨川王太尉長史復爲少府卿出除武陵王紀東中郎長史會稽郡丞行府州事徵都官尚書尋監吳郡復除武陵王南中郎長

史尋陽太守入爲度支尚書除光祿大夫領步兵校尉南北充  
二州大中正大同元年卒諡曰彊

爲蕭僕射與袁昂書

夫禍福無門興亡有數天之所棄人孰能匡機來不再圖之宜早  
頃藉聽道路承欲狼顧一隅旣未悉雅懷聊申注意獨夫狂勃振  
古未聞窮凶極虐歲月滋甚天未絕齊聖明啟運兆民有賴百姓  
來蘇吾荷任前驅掃除京邑方撥亂反正伐罪弔民至止以來前  
無橫陣今皇威四臨長圍已合遐邇里集人神同奮銳卒萬計鐵  
馬千羣以此攻戰何往不克況建業孤城人懷離阻面縛軍門日  
夕相繼屠潰之期勢不云遠兼熒惑出端門大白入氏室天文表  
於上人事符於下不謀同契實在茲辰且范岫申貴久薦誠款各  
率所由仍爲犄角沈法瑀孫旌朱端已先肅清吳會而足下欲以  
區區之郡禦堂堂之師根本旣傾枝葉安附童兒牧豎咸謂其非

求之明鑒實所未達今竭力昏主未足爲忠家門屠滅非所謂孝  
忠孝俱盡將欲何依豈若翻然改圖自招多福進則遠害全身退  
則長守祿位去就之宜幸加詳擇若執迷遂往同惡不悛大軍一  
臨誅及三族雖貽後悔寧復云補欲布所懷故致今白

梁書袁昂傳昂爲吳

興太守永元末義師至京師州牧郡守皆望風降款昂獨拒境不  
受命高祖手書喻案江革傳中興元年高祖入石頭時吳興太  
守袁昂據郡拒義師適使革製書與昂於坐立成

江貶

朕天監中爲議郎

丹陽琅邪二郡斷蒐捕議

聖人之道以百姓爲心仁者之化以躬行被物皇德好生協于上  
下日就月將自然改俗一朝抑絕容恐愚民且獵山之人例堪跋  
涉捕水之客不憚風波江寧有禁卽達牛渚延陵不許便往陽羨  
取生之地雖異殺生之數是同空有防育之制無益全生之術

廣宏

明集二  
十六

賜進士出身二品銜廣東等處提刑按察使司按察使兼管驛傳事務黃岡王毓藻校刊

全梁文卷五十終



全梁文卷五十一

烏程嚴可均校輯

王僧孺

僧孺字僧孺東海郟人魏衛將軍肅八世孫齊永明初爲王國左常侍太學博士丹陽郡功曹遷大司馬豫章王行參軍出補晉安郡丞除侯官令建武初除尚書儀曹郎遷治書侍御史出爲唐令梁受禪除後軍臨川王記室參軍待詔文德省出爲南海太守徵拜中書郎領著作遷尚書左丞除游擊將軍兼御史中丞遷少府卿出監吳郡還除尚書吏部郎出爲仁威南康王長史行府州國事遇謫逮詣南司免起爲安西安成王參軍遷鎮右始興王中記室北中郎南康王諮議參軍入直西省普通三年卒有總集十八州譜六百九十卷百家譜三十卷百家譜集鈔十五卷兩臺彈事五卷集三十卷

賦體

雜沓兮翠旌容與兮龍駕新桐兮始華乳雀兮初化思治兮終朝  
求人兮反夜竟大德之未訓何飛光之徒舍藝文類聚五十六  
至南海郡求士教

是以文舉下車寤夢於根維長孫入境明發於龍丘此境三閩粵  
壤百越舊都漢開吳別分星畫部風序泱泱衣簪斯盛其川岳所  
產豈直明珠大貝桂蠹翠羽而已哉孝實人經則有羅威唐頌學  
惟業本又聞陳元士燮至於高尙獨往相望於岷巖懷仁抱義繼  
蹤於前史藝文類聚五十三

謝厓表

竊以龍馭不爽塵見侵薄鳳職是司曾無昃眊壁聯珠燦輪映階  
平義實明時事惟均政固以先天候其餘始執杓驗其平分九歲  
仰化萬寓依朔藝文類聚五

爲韋雍州致仕表

一旦攀附，遂無涯限。排雲矯漢，飛捧待翼。陸離蟬組，照灼潘旗。受  
賑推轂，執珪奉酎。變狹室於高門，改小冠於侯服。況復還周紐，其  
六印歸齊列。其五鼎常懼輪，輕載積基。薄墉高器，覆危傾人。指鬼  
瞰老，與羊舛疾。隨衰及途，遙齒截漏。迫鐘鳴高春之景，一斜不周  
之風。忽至，菌蟪夕陰，倏駛無幾。堊薺朝采，飄零已及。仰朱闕而掩  
涕，向濠谷而自悲。豈復式瞻拱默，仰接鐘鼓。儻帷蓋未親，東岳稍  
駐。擊壤鼓腹，其賜猶多。藝文類聚十八

爲臨川王讓太尉表

臣聞一正以長，望千里而成累。空輪易騁，觸三尺而不登。苟曰遠  
方，難用適遠。安車駟馬，望高闕而朝至。繡服緹麾，勸康衢而暮返。  
行瞻盡瘁，居對蒼龍。陛下海涵春育，日鏡雲伸。追大道之無私，惜

微臣之宜極

藝文類聚四十六

爲南平王讓儀同表

臣聞石瓠難剖、用謝辭壘、庖木云庇、事乖丹牒、逢聖徽天、一朝賞至、非能聲均河楚、譽埒梁陳、故以神夢紫霄、心飛丹掖、品同儀比、媿茲莫殊、裁文類聚四十七

吏部郎表

臣生輕飛簪、品細疏壤、寂寞州閭、取淪室寶、不自求於善管、寧許人以能官、從班隨牒、自安疏遠、豈望翰飛、終知跡滯、一逢浸漉、幾聞昭晉、假拙爲心、變奇成偶、寧爲天覆地長、復與雨露相滋、秋成春發、必如暄寒無爽、自變泥塗、多超嵩鄧、屢考固其比、越在累誠、於可聞、方愧朱紫、永儻鈞衡、固惟許李、終非王畢、取其清尚、同所經企、求之碎密、寧可庶幾、藝文類聚四十八

爲南平王妃拜改封表

拜妾爲南平王妃、奉命震慙、有灼丹寸、妾瞻絲望、帆且或多慙、鏡

史觀圖是焉知愧以茲眇薄有愧將儀紉組不聞醺醺蓋闕不悟  
玄造曲被微凝愈臻改服遞名事華品貴恩深外邸榮照下庭豈  
期輜弱所能勝荷

蘇文類聚  
五十一

奉辭南康王府牋

下官不能避溺山隅而止冠李下既貽疵辱方致微繩解錄收簪  
且歸初服竊以董生偉器止相驕王賈子上才爰傅卑主下官生  
年有值謬仰清塵假翼西雍竊步東閣多慙絃服取亂長裾高樹  
相望直居坐右長階如畫獨在僚端借其從容之詞假以寬和之  
色恩禮遠過申白榮望多廁應徐厚德難逢小人易說方謂離腸  
隕首不足以報一言露膽披誠何能以酬屢顧竊謂爵羅裁舉微  
禽先落闔閭始吹細草仍墜一辭九畹方去五雲縱天網是漏聖  
恩可恃亦復執寄心骸何施眉目方當橫潭亂海就魚鼈而爲羣  
披榛捫樹從虺虵而相伍豈復仰聽金聲式瞻玉色願步高軒悲

如霰委踟躕下席淚若綆靡

梁書王僧孺傳僧孺爲仁城南東王長史逮請南司奉牋辭府

爲蕭監利求入學啟

竊以矯首何飛不如修弋宛足念遠莫若驅鑣故撲斲成於丹腹

篠簞資於枯羽敢因萃末有志庠均爲山資於一簣學海漸其微

流

藝文類聚三十八

除吏部郎啟

自一遇休明多逢渥澤出斯溝壑置之霄漢清塗華轍叨廁累仍

顯職名階俄來倏至而智效必其無取尤怠忽焉已彰不意涵養

更滋霽需愈此始職樞華紛體恆選知非腆族必待俊民何言賤

劣所或叨假循測測限生所不勝瞻恩奉德死何能報

藝文類聚四十八

謝齊竟陵王使撰眾書啟

伏惟陛下銅爵始成早摘從后之句柏梁初構首屬騁駕之辭楚

史所受曾不云述沛獻斯陳良未足採徒以願託後車以望西園

之容攝齊下坐有栳南皮之遊謬服同於魚儒綈吹等乎齊樂

類聚五

十五

謝賜于陀利所獻檳榔啟

竊以文軌一覃充仞斯及入侍請朔航海梯山獻琛奉貢充庖盈府故其取題在賦多迷瑜書萍實非甘荔葩慙美

藝文類聚八十七

荅釋法雲書難范縝神滅論

辱告惠示并主上所荅羣臣仰諮神滅論伏覽尋環載湫鑽奉發蒙啟蔽朗若披雲竊以事蘊難形非聖莫闡理寂區位在愚成惑若非神超繫表思越機前豈能燭此微言若開金后洞茲妙境曾摩榛蹊喻之以必薦示之以如在使夫持論者不終泥於遙轍事謬者無永沈於惑海預奉淵謨孰不懽肅裁此酬白不申擊舞王僧孺呈

宏明集十

與何炯書

近別之後將隔暄寒思子爲勞未能忘弭昔季叟入秦梁生適越猶懷悵悵且或吟謠況岐路之日將離嚴網辭無可憐罪有不測

蓋畫地刻木昔人所惡叢棘旣累於何可聞所以握手戀戀離別

珍重弟愛同鄒季

藝文類聚作郭季

淫淫承睫吾猶復抗手分背羞學婦

人素鍾肇節金瓶戒序起居無恙動靜履宜子雲筆札元瑜書記

信用旣然可樂爲甚且使目明能祛首疾甚善甚善吾無昔人之

水而有其病癩眩屢動消渴頻增委化任期故不復呼醫飲藥但

恨一旦離大辱蹈明科去皎皎而非自汗抱鬱結而無誰告丁年

蓄積與此銷亡徒切高價厚名橫叨公器人爵智能無所報筋力

未之酬所以悲至撫膺泣盡而繼之以血顧惟不肖文質無所底

蓋困於衣食迫於飢寒依隱易農所志不過鍾庾久爲尺板斗食

之吏以從皁衣黑綬之役非有奇才絕學雄略高謨吐一言可以

匡俗振民動一議可以固邦興國全璧歸趙飛矢救燕偃息藩魏



甘臥安郢。腦日逐髓。月支擁十萬而橫行。提五千而深入。將能執  
圭裂壤。功勒景鍾。錦繡爲衣。朱丹被轂。斯大丈夫之志。非吾曹之  
所能及已。直以章句小才。蟲篆末藝。含吐細縹之上。翻躡鐔鋌之  
側。委曲同之鍼縷。繁碎譬之米鹽。孰致顯榮。何能至到。加性疏濬。  
拙於進取。未嘗去來許史。遨遊梁竇。俛首脅肩。先意承旨。是以三  
葉靡邁。不與運并。十年未徙。孰非能補。及除舊布新。清暑方旦。抱  
樂銜圖。訟謳有主。而猶限一吏於岑丘。隔千里於泉亭。不得奉板  
中涓。預衣裳之會。提戈後勁。廁龍豹之謀。及其投効歸來。恩均舊  
隸。升文石。登玉陛。一見而降顏色。再覩而接話言。非藉左右之容。  
無勞羣公之助。又非同席共研之風。逢筭餌卮酒之早識。一旦陪  
武帳。仰文陛。執文類聚作機。衡舛之柱下。充嚴朱之席上。入班九棘。出  
專千里。據操撮之雄官。參人倫之顯職。雖古之爵人不次。取士無  
名。未有躡景追風。奔驟之若此者也。蓋基薄牆高。塗遙力躡。傾厯

必然顛倒可俟。竟以福過災生。人指鬼瞰。將均宥器有驗。傾卮是以不能早從曲影。遂乃取疑邪徑。故司隸懷懷。思得應弦。譬縣廚之獸。如離緣之鳥。將充庖鼎。以餌鷹鷂。雖事異鑽皮。文非刺骨。猶復因茲舌杪。成此筆端。上可以投界北方。次可以論輸左校。變爲丹赭。充彼春薪。幸聖王畱善貸之德。紆好生之施。解網祝禽。下車泣罪。愍茲悲訴。憐其骸陳。加肉朽齒。布葉枯株。輟薪止火。得不銷爛。所謂還魂斗極。追氣泰山。止復除名爲民。幅巾家巷。此五十年之後。人君之賜焉。木石感陰陽。犬馬識厚薄。員首方足。孰不戴天。而竊自有悲者。蓋士無賢不肖。在朝見嫉。女無美惡。入宮見妬。家貧無苞苴。可以事朋類。惡其鄉原。恥彼戚施。何以從人。何以徇物。外無奔走之友。內乏強近之親。是以構市之徒。隨相媒孽。及一朝捐棄。以快怨者之心。吁可悲矣。蓋先貴後賤。古富今貧。季倫所以發此哀音。雍門所以和其悲曲。又迫以嚴秋殺氣。萬物多悲。長夜

展轉百憂俱至。況復霜銷草色。風搖樹影。寒蟲夕叫。合輕重而同悲。秋葉晚傷。離黃紫而俱墜。蜘蛛絡幕。熠燿爭飛。故無車轍馬聲。何聞鳴雞吠犬。俛眉事妻子。舉手謝賓遊。方與飛走爲隣。永用蓬蒿自沒。愴其長息。忽不覺生之爲重。素無一廛之田。而有數口之累。豈日飽而不食。方當長爲傭保。糊口寄身。溘死溝渠。以實螻蟻。悲夫。豈復得與二三士友。抗首接膝。履足差肩。摘綺縠之清文。談希夷之道德。唯吳馮之遇夏馥。范或之值孔嵩。愍其留貧。憐此行乞耳。儻不以垢累。時存寸札。則雖先犬馬。猶松喬焉。去矣。何生高樹芳烈。裁書代面。筆淚俱下。梁書王僧孺傳。僧孺免官。久之不調。友人龐江何州伯爲王府記室。乃致書於州。以見其意。載文。

類聚二十六作何遜

### 答江珍書

猥惠嘉音。用蠲疾首。發函伸紙。朗若披雲。等嶰谷之清音。比洞庭之高曲。辭則美矣。而擬其非倫。譬享海鳥。以醇醪。棲林欬以

崇楹曾拱，苟非其實，立有驚怖。況復以一離訴棄，賓賓濯然，豈復能使一筭可輕。八廚斯引，且登清漢，乍棄黃汗，望影析支，爭塗再楫。其或踰林臥石，籍卉班荆，不過田畯野老，漁父樵客，酌醴焚枯，鳴鳴相勞，羹藜含糗，果然滿腹，盥有幡旗，貴客車馬，大賓獻書，盡先賢之德，作頌罄前皇之美，豈不俯拾青紫，坐享大夫，況復詠高梧而賦修竹，背清淮而遊長苑，留東閣以從容，登石室而高視，豈與夫身沒名隕，同年而共毀譽哉？

執文類聚二十六

與陳居士書

雲波遙負，燕越數千行，雲夢術征禽難使，用隔巾車，未能搦札，引領南望，悵矣心飛。幸因劣薄，懷章貴壤，依然谷口，覺子真之咫尺，靜睇巖灘，信子陵之非遠，林麓以人虛白之室，用披蓬蒿之徑，稟紛綸之高論，承希微之妙旨，虛往實歸，用祛塵惑。

執文類聚三十七

論任助

過於董生揚子助樂人之樂憂人之憂虛往實歸忘貧去吝行可以厲風俗義可以厚人倫能使貧夫不取懦夫有立

南史五十九在助傳

臨海伏府君集序

袁粲領袖一時儀形物右聲逾裴樂舉出王劉士有懷道植義望塵而趨者或三年而未識乍四旬而一見與君道合神遇投分披衿敷文研理匪晨伊暮至於神經怪謀綠笥丹簡金版玉箱錦文緹帙並藏諸靈府祕於瑤臺而君莫不徧探冥賾具閱局檢常以前賢往學亟與聖違賈馬盧鄭非無紕越荀郭何王彌多踳謬二義可辨未值高卿之疑九事非難不逢五叔之問其詩賦銘誄所作尤多

藝文類聚五十五

詹事徐府君集序

君稟靈川岳懸精辰象早照珪璋夙表岐嶷孝睦天稟友愛冥深故以事顯家庭聲著同族年十八見召爲國子生曳裾持卷寔華

庠壁有均閑戶。靡因餘竈。每攝齊函丈。左右屬目。蓄以鄰幾之性。加以入神之資。聞一知二。師逸功倍。遊魏闕而不殊江海。入朝廷而靡異山林。未嘗投刺權門。驅車戚里。遨遊梁董。去來賈郭。時春秋猶少。人爵未崇。而清風嘉譽。震灼朝野。非直俯致貴仕。故可坐享通侯。而縹馬懸車。閉門高枕。聊爲詭遇。識此行藏。及皇運聿興。重氛載廓。君藏器待時。合猶符契。陵扶搖而高鶩。排閭闔而容與。故位隨德顯。任與事隆。重以姿儀端潤。趨呵淹華。寶佩鳴風。豐貂映日。從容帷展。綽有餘輝。自綢繆軒陛。十有餘載。溫樹靡咎。露事不誅。省中之言無漏。席下之迹不疑。故以主聖臣賢。應同踵璽。以石投水。如鱗縱壑。行稱表綴。言成模楷。猶復忘彼豐愉。安茲素薄。衣同屢補。食等三杯。車服不事鮮明。室宇畏其彫奐。九德無遺。百行備舉。至於專心六典。精蹟必深。汎遊羣籍。菁華無弃。擗札含毫。必引靡麗。摛綺縠之思。鬱風霞之情。質不傷文。麗而有體。文類聚五十

## 慧印三昧及濟方等學二經序讚

夫六書相因懸日月而無改二字一吐更天地而靡渝雖書不盡言言非書不闡言不盡意意非言不稱是以締聽善思承茲利喜俯首屈足恭此受持若讀若誦已說今說一音一偈莫匪舟梁一讚一稱動成輪軌況夫五力方圓四攝無怠開方便門示眞寶相流方等之妙說得菩提之至因沐此寶池照茲法炬香雲靡靡慧露傍流出伽邪之妙城發娑羅之寶樹建安殿下含章基性育德成體惠聲溢於秋水美義光於冬日事高祖上兔園名出前意後蒼損己利人忘我濟物傍通兼善無礙無私若空谷之必應如洪鐘之虛受匡法引道以善爲樂重以植顯因於永劫襲妙果於茲生託意紹隆用心依止妙達空有深辯權實而玉體不安有虧涼暑行仁莫顯楚君日見其瘳施德靡言漢相方饗其樂桂葉龜腦

固風寒之易銷。飭飴鸞骨。更騰飛之可屣。泥復慧身。方漸善根。宿樹無勞。滯腸滯胃。不待望色。察聲有廣州南海郡民何規。以歲次協洽月旅黃鐘。天監之十四年十月二十三日。采藥於豫章胡翼山。幸非放子逐臣。乃類尋仙招隱。登峯十所里。屑若有來。將循曲陌。先限清澗。或如止水。乍有潔流。方從揭厲。且就褰攬。未濟之間。忽不自覺。見澗之西隅。有一長者。語規勿渡。規於時卽留。其人面色正青。徒跣捨屨。年可八九十。面已皺斂。鬚長五六寸。髭半於鬚。耳過於眉。眉皆下被。眉之長毛。長二三寸。隨風相靡。唇色甚赤。語響而清。毛爪正黃。指毛亦長二三寸。著赭布帔。下有赭布泥洹僧手捉書一卷。遙投與規。規則奉持。望禮三拜。語規可以此經與建安王。兼言王之姓字。此經若至。宜作三七日齋。若不曉齋法。可問下林寺副公。副法師。持戒苦精苦。恬憺無爲。遺嗜欲。等豪賤。蔬藿自充。禪寂無怠。此長者言畢便去。行十餘步。間忽不覩。規開卷。



敬視名爲慧行三昧經經旨以至極法身無相爲體理出百非義  
踰名相寂同法相妙等眞如言其慧冥此理有若恆印心照凝寂  
故以三昧爲名後又有濟諸方等學經此下又題云天竺薩和鞞  
日僧迦與海虎王經旨以流通至教軌法有體所以誠示大士化  
物方法言若濟諸蒼眠宜弘方等之教方等者大乘之通名究竟  
之弘旨其軸題云燉煌菩薩沙門支法護所出竺法首筆受共爲  
一卷寫以流通軸用瀟漆書甚緊潔點製可觀究尋義趣或微或  
顯稱在羅閱山耆陀鄰尼行無來無去非住非止斯蓋驚嶽鶴林  
之別記寶殿孤園之後述不殊玉檢靡異寶函理出希微辭淡鉤  
致是唯正說曾匪異端雖王遵之得四十二章安清之出百六十  
品無以惑異大王沐浴持奉擎跪鑽習多寫廣述闡揚玄旨孰匪  
醫王卽斯藥樹不待眼瞬無勞苦口捨茲六術屏此十巫昔或授  
編書於圯上受揣術於谷裏乍有寓言且或假夢未有因應炳發

若此其至焉。受命下才。式旃上道。敢因滓賤。率此顓蒙。其辭曰。  
雷音震響。錄簡青編。匪言易教。非迹靡傳。是資妙象。實寄幽筌。照  
之慧燭。濟以寶船。懇哉至矣。在應斯圓。覆其飄飄。浸此熙漣。救焚  
援溺。去蓋銷纏。灼灼應韓。英英河楚。松孤桂鬱。鸞棲鵬舉。照野光  
朝。潤山枯渚。濫源絃永。覆篲已多。鬱爲藩籬。擢此天柯。寄誠梵表。  
託好禪河。接足能仁。心直妙覺。用遺滯染。是祛塵濁。靡向非眞。何  
肯非俗。一念受想。將捐味觸。無德不酬。有感必召。吐彼神訣。示我  
玄要。旣觸旣已。畱華及少。等此北恆。均之東耀。釋藏

賜進士出身一品銜廣東等處提刑按察使司按察使兼管驛傳事務黃岡王毓藻校刊

全梁文卷五十二

烏程嚴可均校輯

王僧儒二

太常敬子任府君傳

恥一物之不知。惜寸陰之徒靡。下帷閉戶。投斧懸梁。雖立晏書淫。  
文勝經溢。康成之忽忘所往。公叔之顛墜刪岸。無以異也。若夫天。  
才卓爾。動稱絕妙。辭賦極其清深。筆記尤盡典實。若問金石。似注。  
河海。少孺速而未工。長卿工而未速。孟堅辭不逮理。平子意不及。  
文。孔璋傷於健。仲宣病於弱。其有集論尚書。窮文質之敏。駐馬停。  
信。極臺臺之功。莫尚於斯焉。君職等曹張。聲高左陸。時乃高關雪。  
宮。廣開雲殿。秋窗春戶。冬煥夏清。九醞斯泮。百羞並薦。雲銷月朗。  
聿茲遊客。朋來旅見。辭人才子。辯圖學林。莫不含毫咀思。爭高競。  
敏。乃整袂端襟。翰飛紙落。豪人貴仕。先達後進。莫不心服貌慚。神。

氣將軍。顧余不敏。廁夫君子之末。可稱冥契。是爲神交。二三君子。唯以從游日暮。亭號昭仁。庶子雲咫尺。康成斯在。借此嘉言。將無絕乎千載。藝文類聚四十九

從子永寧令謙誄

余之從子謙。字幼光。以昭陽紀歲。凝賓旅月。啟足閩隅。暄日泉岫。是殲才子。實喪俊民。若其孝親睦友。故非天墮地出。異才絕學。如有鬼告神授。玉懷瑕而可指。桂含蠶其取傷。孰與九德彰於造次。百行動爲表徵。吐論含毫。宣赴鍾琯。標心用己。懸符矩矱。惠響棲道。清心可鏡。和而靡屈。簡而周爽。遠若凝雲。潔如止水。無慙座右。不愧屋漏。蒼苔繞路。素塵滿席。蕭索庭戶。靡事鮮明。沈淪典籍。將絕弔賀。室如夏甫。狀等安有。所累清塵。唯不能忘懷藝而已。斯美宜久宜長。而驥驟之步中行。鸞驚之翅未矯。一歸寥廓。長反虛無。雖東隅再暝。紺丙之御無及。北顧相望。隸首之數不盡。而恆化非

常人所不免。況風雲萬里間。此山川客思故鄉。次房之念何極。輕  
棺反蜀。允南之思可知。而魂兮眇眇。扁舟靡靡。生人之望已冥。死  
歸之期又阻。痛心傷目。豈伊一事。無以少寄辛傷。故復誄之云爾。  
昭昭洪胄。映策光書。違羣避項。從惠遷徐。基忠踐孝。抱約懷虛。有  
顯而默。匪屈伊舒。如茲邠魏。譬彼董疏。入登高關。出啟精廬。瞻星  
畫野。望閭推車。履仁不匱。蹈道有餘。九世盛矣。七葉光諸。往弼睿  
主。來傳英儲。峨峨三祖。羅室並居。前瞻紫闕。俯望白渠。高軒霞被。  
四馬龍櫺。溫溫司武。皎皎祕書。義高松竹。價重璠璣。元昆世父。重  
規疊矩。容與學丘。徘徊詞府。青紫已拾。大夫斯取。盛藩往相。名畿  
來撫。暉光不已。驚生之子。稷稷萬尋。昂昂千里。寶鳳靡雜。眞龍非  
似。均情籙室。得意莊李。室有虛白。門無囂滓。遺心沮勸。忘懷愠喜。  
貧靡斯攝。賦其無恥。險而不峭。方而能理。德有潤身。學斯爲己。逸  
羽難集。孤峯易峙。南邁瑤琨。西踰杞梓。人亦有言。名爲實使。譽傾

邦國價審州里崇蘭自芳珎玉自光汪汪巨壑暖暖重牆靡造靡  
請不迎不將久而愈敬狎而愈莊卽無矯資此有循常默非蓄短  
顯弗用長豈伊墜岸如彼懸梁唯學已聚待問則強偏在三篋兼  
下五行亦稅其巾于彼王吏如龍宮楚有斯內侍縑此上才安茲  
下位儲扉始闢傳府初開爾其戾止辟彼昔才從斯簡帝仍此追  
陪何以口口自茲翰飛傍佐戎列來攝儒衣儒衣濟濟訪對斯歸  
是義固惑唯禮無違悠悠越障泱泱閭海薄言銅墨蒞密斯在孰  
云識吏政均舊宰循猛是兼絃緯無怠補袍方服治情莫改增貲  
匪謀歸民自倍十郡爲則百城斯探化日未逢政悞異等斯痛斯  
傷喪善殲良妖同武擔疾甚清漳閭棺陋邑掩櫬蕪鄉嗚呼哀哉  
眇眇輕軀悠漫長途風生閭闔日去崑吾空歸故園監識舊都水  
鳴秋鶴岸集寒鳥寒不夜哭惟獨呱呱茫茫大塊杳杳玄虛嗚呼  
哀哉伊吾與爾大別唯名肥泉猶接瓜瓞未輕義雅子道思廣友

生歎憂共日、險泰均情、如菊有芬、如蘭有薰、別唯慕類、居實有羣、  
盡日持論、遙夜披文、慚清義老、祖述淵雲、唯昏及旦、自旭徂曛、人  
道實難、譬彼徂徠、驅車峭嶮、執手河干、三川紫薄、七嶺悠漫、自茲  
不見、心譬迴瀾、歲仁會面、目望音翰、歡無一緒、悲有萬端、濛陰遽  
戢、扶景易殘、卽斯大暮、爲此一棺、山足難曉、壘首易寒、秋蟲相叫、  
暮羽來搏、宿草行沒、宰樹方攢、昭塗長已、大夜斯安、孰知冥默、徒  
此沈瀾、嗚呼哀哉、文苑英華八  
百四十二

### 豫州墓誌

白姬發系、因魏傳緒、畱路在趙、名賢世襲、相秦將漢、英雄係踵、忘  
寵辱、無愠喜、靡矜夸、慎嗜欲、其行軍用武、勳合奇正、乃治邊御眾、  
威裕兼行、常懷慷慨、然以中原爲己任、或欲十萬而橫行、乍思五千  
而深入、尅反舊京、飲馬函渭、然後高臥閒帷、晤言空谷、思魯連之  
辭賞、慕田疇之高躅、而火傳川逝、長塗已迫、雖景鍾良史、有功必

書刻板鏤石宜兼不朽銘曰

高勳謫謫長旌高旆入作爪牙出司襟帶民謠不息王言有會功  
爲上等正稱九最日隆寵秩方登遠大義轡難留濛水易收祕丘  
玄戶杳杳悠悠

藏文類聚五十

棲玄寺雲法師碑銘

眇眇大家茫茫真樸多淪愛有莫辯塵濁倚歟息心言高理逖居  
之匪絢得之靡學刻情幾種隔想玄覺且說且定以披以握來導  
北渚至依西岳西岳峨峨北渚迴波庭棲弱羽簷挂輕蘿甘藷衣  
惡棄厚安薄滅意慕湫寄心寥廓

藏文類聚七十六

中寺碑

夫玉律追天故曜次之期不變緄室候景則發敏之氣罔渝是以  
忘言種覺絕累於後心寄像聲形啟機於前教兼真假之雙燭均  
空有而兩忘越三明而過十地圓萬行而包四等道周百億化起



大千獎導羣有，滋濡萬類，是用發廣大心，吐微妙理，將同商主，取  
喻醫王，開方便門，示眞實相，固以濯之慈水，銷以慧刀，永言六趣  
用均一子，中寺者晉太元五年，會稽王司馬道子之所立也。斜出  
旗亭，事非湫隘，俯超壁水，望異狹斜。天監十五年，上座僧慈等更  
揆日締架，赫然霞立，信以填金可埒，引繩斯擬，寫妙金樓，模麗瓊  
閣，岩竄偃蹇，故三休而可至，幽篁周流，方中宿而斯盡。萬楹百拱，  
合沓相持，繡栝玉題，分光爭映，燭龍天矯，將舉復完，威鳳鏗鏘，如  
鳴更戢，旁攀鏤檻，斜登鈿砌，煜燦金鋪，玲瓏綺檻，無風自響，不拂  
而淨，耽耽肅肅，信息心之勝地，穆穆情情，固息想之嘉所。銘曰：  
玄黃雖頊，權輿未測，生滅相輪，成壞不極，篋地爭赴，藤鼠無息，情  
塵莫捨，心火方赫，是用三明，寔開五力，湛寂無方，示現多所，踟躕  
吉樹，殷勤禪渚，斯道誰匡，蒸哉我王，施踰寶鉢，供等檀牀，講宮改  
構，梵宇方壯，階飛瑞采，地起泥香，日流閃爍，風度清緜，道踰厥極，

固與天長

被文類聚  
七十八

武帝祭禹廟文

惟帝稟圖上昊。貽則下民。五營窮聽。四乘兼往。輕璧借景。既拾冠履。愛人忘我。不顧肝膈。下車以泣。事深罪己。憑舟靡懼。義存拯物。盛業方來。遺神如在。愛被昆蟲。理有好生之德。事安菲素。固無厚味之求。是用黍稷非馨。蘋蘩以薦。克誠斯饗。憑心可答。被文類聚  
三十八

禮佛唱導發願文

夫至覺玄湛。本絕聲言。妙慮虛通。固略筌象。雖事絕百非。而有來斯應。理亾四句。故無感不燭。皇上道照機前。恩超繫表。凝神汾水。則心謝寰中。屈道軒丘。則形勞宇內。斯乃法忍降迹。示現闢浮之境。大權住地。俯應娑婆之域。故欲洗拔萬有。度脫羣生。濯淨水於寶池。蔭高枝於道樹。折伏攝受之仁。遇緣而成拯。苦言軟語之德。有感而斯唱。日用不知。利益莫限。眾等相與增到。奉逮至尊。五體

歸命敬禮云云。仰願皇帝陛下。至道與四時並運。玄風與八埏共廣。反溘源於三古。捨澆波於九代。至治已覩於今日。大道復屬於此時。虎豹蹈而不驚。虺蛇蹶而莫噬。埋金抵玉。毀契焚文。嘉禾生醴泉出。金車玉馬。自相暉曜。玄鶴丹鳳。飛鳴來往。光景之所照燭。舟車之所驅汎。莫不屈膝係頸。迴首革音。入侍禁街。迎拜渭水。與天地而長久。等金石而逾固。中岳可轉。長河有清。而我聖皇。愈溫愈暉。不言而化行。無爲而教肅。

夫道備監撫。望表元良。察遠知微。貫宗勾極。不勞斧藻。無待審論。況復靜悟空有。同觀貞俗。能行能說。旣信旣持。眾等齊誠。奉逮儲君殿下。歸命敬禮云云。仰願皇太子殿下。厚德體於蒼梓。廣載侔於礪礪。前星照曜。東離煥炳。淑聞自遠。和氣熏天。異才爭入。端人並至。玉體怡清。金聲妙越。

夫茂實英聲。道周德廣。秉珪襲衮之貴。坐槐憩棠之尊。猶應共惜。

東瞰俱各西崦。悟蕉蘆之非實。知鏡月之虛衍。信秉電之不留。默  
畫水之隨合。惟宜照之智炬。灌以寶瀾。增此睿根。成斯妙植。又各  
增到。奉逮太尉等諸王殿下。歸命敬禮云云。仰願諸王。既明且哲。  
聲跨於河楚。令聞令望。道均於旦爽。德貫右戚。義藹周親。作茲則  
與二曜相終。臨岳則與四維等固。若彭涓之遐永。譬松筠之貞悅。  
夫天枝峻密。帝葉英芬。莫不玉震蘭搖。金鏘桂綽。觀寸文而驗錦。  
觀一毛而測鳳竝。能才高銅爵。詞富雲臺。彬彬臺臺。超超灼灼。以  
斯勝善。奉逮諸王殿下。歸命敬禮云云。仰願諸王殿下。穆穆與清  
風竝。扇英英。將白雲共朗。永鍾清祉。長享元吉。出牧則聲高民上。  
入朝則譽光物右。德重山玉。智超海藏。鏗鏘麗於珠樹。皎鏡光於  
玉田。

夫道流雲幄。德感椒闥。必以前籍勝因。宿稟嘉數。泥重霑法雨。更  
披慧日。雖異姜后解珥。請罪於周王。不待樊姬捨肉。有激於荆后。

而遵恭儉去嗜欲。掉彫璣。撤靡麗。了心不。正見無疑。眾等齊誠。奉爲六宮眷屬。歸命敬禮云云。願六宮眷屬業華姬日。聲麗嬀辰。展彩鵲圖。傳芳詩史。位齊寶印。行等月光。具六神通。得四無礙。夫稟間明之德。懷深妙於心。豈非修習有本。故能依止無倦。義興等諸公主。忘斯華重。甘此翹到。竝宿世之所記別。故現前所以信了。影響至真。寤寐玄極。人各增到。仰爲諸公主歸命敬禮云云。願諸公主日增智性。彌長慧根。四攝四依。已遵已蹈。七善七定。靡退靡輟。盛此王姬。光茲帝女。長享湯沐。與河山而同固。永服緹綺。貫寒暑而無窮。

夫三相雷奔。八苦電激。或方火宅。乍擬駛河。故以尺波寸景。大力所不能駐。月御日車。雄才莫之能遏。其間飲苦餐毒。抱痛銜悲。身口爲十使所由。意思乃八疵之主。眾等相與。彼我齊到。懺悔業纏。無始已來。至於今日。所爲十惡。自作教他。見善不讚。聞惡隨善。焚

林涸澤走犬揚鷹窮鄭衛之響極甘旨之味戲笑爲惡倏忽成非  
侮慢形像陵踐塔寺不敬方等毀離和合自定權衡棄他斗斛愧  
心負理昧主欺親雖七尺非他方寸在我而能性其情在人未易  
恣此心口眾罪所集各運丹懇五體自投歸命敬禮云云願現前  
眾等身口清淨行願具足消三障業朗三達智五眼六通得意自  
在

釋藏肥九廣  
宏明集十五

### 懺悔禮佛文

夫有非自有有取所以有無非自無無著所以無故有取之惑興  
倏成萬累無著之念起一超九劫是知道之所貴空有兼忘行之  
所重真假雙照稟氣含靈莫聞斯本肖形賦影靡測由來故發茲  
識竄猶綿蒙其莫辨導此愚相尙窈冥而未悟茫茫有同暗海幽  
幽實在危城業風縈薄三有長驚惑水遶迴二死相屬以苦捨苦  
從暗入暗尋不離色心卽事莫非生滅是用抱此纏蓋輪迴生

死恣其六愛興其六邪或狙詐而克昌乍仁義而湓死或才均智  
等此賤彼豪或其日竝時人升我墜唯言報施寂寥不知因對皎  
徹襲緣今果過現殖成有如符契不謬毫髮而欲以促生運其長  
術浮命迴其冥數當知刹那交謝瞬息不畱東博纔吐西嶮已仄  
譬閭川之駛流若栖葉之輕露僞城易弛毒樹自攻若非假寶兩  
明真俗俱辨豈能寫誠迴向刻意修習不退不沒愈堅愈固南平  
大王殿下含辰象之正氣畜海嶽之清靈宿侍八恆早遊七覺藉  
妙因於永劫招勝果於茲地若真金之愈鑿美玉之載琢是用未  
積已散不藏而捨故今式招靈指仰屈神儀建此齊肅譬茲闢樞  
盛來縑素濟濟洋洋名香遍室寶華覆地高梵宛轉虛止震木邊  
雲清桴遙奕非直騰魚御馬仰願四部至誠五體歸命東方云云  
願大王殿下五畏內遣十力外扶百福莊嚴萬祉周集愕夢無忤  
其慮甘寢有恬其神更聞寶衢愈興慧業

夫玄極凝淡、非學者所窺、妙本難思、豈行人能測、是以十地云觀、有羅縠之疑、三乘稱見、懷狂羊之惑、自非鑒窮機覺、照極冥虛、窮理盡性、體元合一、安能濟世仁壽、拯物阡危、道包碧海、聲高赤縣、昔堯曜唯在卽世、舜照不兼來果、四巡疲於禹迹、六事倦於湯身、並域中之勤勞、方內之成益、豈有度元元於苦海、拔冗冗於畏途、運神刀、震法吼、究香城之妙理、窮金河之奧說、慧高龍樹、智出馬鳴、必欲洗濯臣民、獎導緇白、天覆地養、水產陸生、咸降慈悲、悉蒙平等、奉爲皇帝陛下儲君太子歸命敬禮云云、仰願皇帝陛下景祚與七政相齊、皇基與二曜均永、地平天成、樂和禮洽、玉燭道正、氤氲無爽、條風祥雨、膏潤相屬、卻馬偃伯、鑄戟銷戈、南泊北臨、西被東漸、灑甘雨、布慧雲、唯繩可結、在冠已盡、唐哉皇哉、爲導爲首、又願皇太子殿下、睿業清醇、與貞明而並燭、粹範溫儀、從嵩霍而俱峻、聲出姬誦、道越漢庭、永沐智水、長照慧日、上妙居身、至仁在



己自雙樹八枝。潛光匿曜。寶城不開。慧扇方掩。而聖后驚法輪於長路。棹寶舟於遙壑。道浹人祇。福隆祧墀。肅事園寢。虔奉宗祏。藉斯妙果。奉逮七廟聖靈。歸命敬禮云云。仰願聖明累聖。倏然如在。騰神淨國。總駕天宮。託化金葉。遨遊寶殿。

夫誠心內惻。則至覺如在。形力外殫。則法身咫尺。眾等相與增到。爲諸王兄弟妃主戚屬。歸命敬禮云云。願諸王殿下。裂壤盛於諸姬。簪后過於隆漢。德高魯衛。義重閭平。論道則百辟依風。作翰則羣黎仰化。弘闡至教。紹隆季像。第內少長。竝膺此多福。若百華之春麗。譬萬寶之秋成。信解堅深。翹向無怠。

夫小乘志劣。事唯一己。大士意均。乃包六趣。今日檀主。信等明珠。無勞傍鏡。質同挺玉。不待外光。常欲物我均心。怨親等觀。眾等各歸誠爲二十八天四王釋梵。人間貧病。地獄辛楚。敬禮尊儀。靈像菩提寶塔云云。大乘奧藏。妙法深經。大身無邊身。大力無量力。四

向四果八賢八聖願六氣氤氲四序熙穆至治光萬宇玄化洞九  
幽襲介披鱗溼生卵化八苦六窮三塗五道俱蒙惠利並識遵依  
刀林輟刃劍樹搖險迷域開道直指四衢閭室生明大啟三曜俱  
向道場同登種覺

釋藏肥九廣  
宏明集十五

### 初夜文

夫遠自無始至於有身生死輪驚塵轢莫之比明暗遞來薪火不  
能譬逝水非駛千月難保夢虛習苦桂蠹喜甘大睡劇於據梧長  
昏甚於枕麴義非他召事實已招曾不知稟此形骸所由而至將  
斯心識竟欲何歸唯以勢位相高爭驕華於一旦車徒自盛競馳  
驚於當年莫不恃其雄心壯齒紅顏緇髮口恣肥醲身安輕靡繁  
絃促柱極滔湮而不厭玉牀象席窮靡曼而無已謂悲泉若水出  
沒曾不關人蹲鳥顧兔升落常自在彼殊不知命均脆草身爲苦  
器何異犬羊之趣屠肆麋鹿之入膳廚秋蛾拂燄而不疑春蠶繫

絲而靡恬未辨先對不識因習及其一觸畏途孟門非險輟裂肢  
解方斯不臻其痛斷旨鑿肩比茲未極其苦輪迴起伏杳杳悠悠  
是以天中之天降悲提引壅夏河之長瀉撲秋原之猛燎或同商  
主乍等醫王形遍三千教傳百億或恣其神力或寂諸梵境言則  
三塗離苦笑則四生受樂乃應病投機解紛說理制之日夜稱爲  
八關以八正鑰爲法關樞斯實出世之妙津在家之雄行眾等相  
與運誠奉建南平王殿下歸命敬禮云云仰願大王殿下睿業清  
暉與南嶽而相固貞心峻節等東溟而共廣萬累烟消百災霧滅  
巧幻所不惑彊魔莫能嬖逐慘舒而適體隨暄涼而得性自稟儀  
天之氣永固膳衛之道得六神通力具四無礙智

夫日在昆吾則慮繁事擾景落灊池則神靜志怡璧月珠星含華  
相照輕雲薄霧朗然自戢鳴鐘浮響光燈吐輝法幢卷舒拂高軒  
而徐薄名香郁馥出重檐而輕轉金表含映珠柱洞色況復天尊

全梁文卷五十二

王僧恕

九

端凝威光四照煥發青蓮容與珂雪覺祇衛之咫尺若林園之斯  
在大招離垢之賓廣集應真之侶清梵含吐一唱三嘆密義抑揚  
連環不輟南平王體得機之敏資入神之微抱德含和經仁緯義  
善無細而不窮累有輕而必捨受同虛籥照如懸鏡忘魯衛之尊  
高略拊搏之華重建希有之勝席臨難遇之法場相與五體歸命  
敬禮云云仰願大王殿下入不二門登一相道德階不動智超遠  
行洋溢惠聲與八風而共遠優游玉體等六律而相調餐雪山之  
良藥挹露城之甘味袞服瓊珪與四時而永久朱輪緹幟貫千祀  
而常然

釋藏肥九廣  
法明集十五

王僧恕

僧恕天監初爲領軍司馬

答釋法雲書難范續神滅論

辱告惠示敕旨答臣下審神滅論甚哉理之大也斯蓋寸管之所

見言性之可聞。而隨類儻遇。怡然蒙釋。奉戴周旋。以次以誦。法師德邁當今。聲標萬古。知十之談。每會起予之富。必酬想闡弘聖旨。煥然雲消。邪弟子學慙聚螢。識非通見。何能仰贊洪輝。宣猷妙節者歟。但論者執一惑之情。循一往之轍。固不可以語大方焉。知致遠恐必泥哉。夫幽明之理。皎然不差。因果相起。義無獨立。形滅自可以草木爲籌。神明常隨緣而在。所以左氏有彭生豕見。尙書則祖考來格。禮云。若樂九變。人鬼可得禮矣。結草之報。豈其遂滅。元規所夢。何得無神。神明不滅。著之金石。丘尼所說。彌有多據。若文雖五千。詩乃三百。得其理者。自可一言而以蔽。故不復煩求廣證。夫三聖雖有明教。百家常置弘理。而尙使狂簡斐然成章。攻乎屨作。今皇明體照幽寂。識周內外。以前聖之久遠。感異端之妄興。霽然爰發。乃垂眷翰。使闡提一悟。遂獲果通。間浮執惑。豁然洗滯。況復縉紳之士。爲益固其弘哉。弟子餐道無紀。法師許其一簣。遂能

班逮神祿使得預沐清風頂戴權舞無以自譬哉銘兼深彌其多矣弟子王僧恕頓首和南

宏明集十

王僧崇

僧崇爵里未詳

郊壇從祀啟

五祀位在北郊圜丘不宜重設故曰五行之氣天地俱有故皆從

祀

通典四十二梁武帝卽位四年

風伯雨師卽箕畢也而今南郊祀箕畢復祭風伯雨師恐乖祀典

同上

賜準出身三品銜廣東等處提刑按察使司按察使兼管驛傳事務蔣王毓藻校刊

全梁文卷五十二終